

3-265

世界大戰叢編 第四十七冊

千九百十七年西戰場統帥之真相



一九一七年西戰場統帥之真相

目次

緒言	一
第一 一般情況	五
第二 千九百十六年十一月聯軍會議	六
第三 法軍高等統帥部革新新法軍東方及東北方諸軍總司令官「尼威爾」 (ニケール)將軍地位	八
第四 「尼威爾」(ニケール)將軍會戰一般計畫	一八
第五 「尼威爾」將軍戰法	二五
第六 英法兩軍統一指揮問題	二八
第七 德軍退却當時英法軍情況	三二
第八 德軍退却後法軍會戰一般計畫	三六

- 第九 法國內閣更迭及政府統帥部關係……………四一
- 第十 「昆比耶流」(ユンビエーニエ)會議……………四九
- 第十一 法軍攻勢(步兵)開始延期……………五四
- 第十二 法軍攻勢計畫漏洩……………五五
- 第十三 四月十六十七兩日戰况概要……………五七
- 第十四 四月十七日夜限制會戰目的……………五八
- 第十五 四月十八日至二十二日戰况概要……………六〇
- 第十六 關於攻擊再興之決心……………六一
- 第十七 內部軋轢……………六三
- 第十八 精神界動搖……………七三
- 第十九 關於攻擊繼續之英法會議……………九一
- 第二十 攻擊再興與停止……………九七
- 第二一 更換「尼威爾」(ニクエール)將軍及罷免諸將軍……………九七

第二二 會戰成績.....九八

結論.....一〇二

目次

三

目次

九百十九年出版

四

四、

「安利、嘎利」(アンリト、ガリト)著之千九百十七年之法軍攻撃

(千九百十九年出版)

一九一七年西戰場統帥之真相

緒言

自古戰爭範圍狹小進展順適之際將確立統帥之威權所謂政治與統帥者各守畛域各展全能協心戮力冀獲最終之良果其間固不虞有若何傾軋破綻之發生特如最近世界大範圍之戰爭歷長年月犧牲多數人命消費鉅額國帑外則作戰不克如意進行且同與國之協調亦不能如所欲之順利內則戰爭之延長與生活以致思想問題喧囂達於極點由是統帥與政治之協調漸感困難其波動傳及作戰軍使之動搖不已斯時戰況倘更陷於不利其動搖之度將益增加此爲本大戰之歷歷可證者也試即過去之千八百六十六年戰千八百七十年戰觀之普軍雖曾罷一二將官之職而其最高統帥部及高級將官終此戰役俱各完其職責更觀日俄之役日軍未嘗發生不詳事件毅然發揮其統帥之光彩除一心向戰勝之途邁進外並無他意國內則政府與國民俱能理解戰爭目的期達最終希望吾人殊不覺有統帥關係之錯亂及政略上之軋轢誠以當

時一般關係之單純特因戰勝光榮得以短期結局也至若戰敗之俄國統帥關係之變動國民政府統帥部之協調發生破綻之實例亦殊不少是亦堪爲借鑑者也
 此書叙「尼威爾」(ニヴェール)將軍爲法軍總司令官時法軍統帥不確立之內情今日討論以供他日不虞之備決非無用之業也且此書不僅備軍部參攷亦足供其他有識者資料故以特號公表之

注意

一、本書內法國政府及軍部當局者之姓名分見各處恐讀者不易了解特爲總列於左
 一、法國內閣員

勞 働	教 育 部	司 法	內 閣 議 長 兼 外 交	
「魯列、偉偉亞尼」 <small>ルネ、グイグイアニー</small>			○白里安	千九百十六年十二月成立之內閣員
勒翁、浦魯覺亞 <small>レオン、プルーヴォア</small>	斯鐵古 <small>ステーク</small>	魯列、偉偉亞尼 <small>ルネ、グイグイアニー</small>	○亞歷山德爾、里博 <small>アレキサンドル、リボ</small>	千九百十七年三月二十一日成立之內閣員

一九一七年西戰場統帥之真相

工	商	農	補	運	兵	海	陸	內	財
務	務	務	給	輸	器	軍	軍	務	政
クレマンテル 克勒滿鐵爾			ヘッリオ 黑里倭		アルベル、トーマス ○亞爾別爾、脫馬斯	ラカイズ ○拉喀茲	リョーテ ○李樂鐵	マルグイー ○馬爾偉	アレキサンドル、リボ ○亞歷山德爾、里博
クレマンテル 克勒滿鐵爾			モーリス、グイオレット 莫里斯、魏阿列德	デスブラス 德斯布拉斯	アルベル、トーマス ○亞爾別爾、脫馬斯	ラカイズ ○拉喀茲	ボール、バンルグエー ○博魯、榜爾威	マルグイー ○馬爾偉	ジョセフ、チエリ ○約瑟夫、切里
フエルナン、ダグイ 弗耶爾南、達威									

交

通

殖

民

グリーメルケ
知滅魯姑


○馬幾諾
マツノ

備

致

附○印之諸部長為應列戰爭會議者
但白里安內閣當時戰爭會議以霞飛將軍為軍事專門顧問「里博」(リボ)內閣當時戰爭會議則內務部長不在其內

二、西戰場法軍大兵團指揮官



「北方軍集團」
 第一軍
 第三軍
 フランシエー、デスベレ
 法蘭西、特斯別勒

「殖民第一軍團」
 殖民第二軍團

備攷與本書無關係之指揮官則略之。

第一 一般情况（參照附圖第一）

法軍在內線上千九百十四年既未克先將西方法軍覆滅十五年乃轉鋒向東欲傾覆俄軍亦未達其目的遂致兩方不能徹底奏功消耗戰力甚大至此際在法戰場之英法軍則銳意增進戰力入十六年一般形勢漸趨於聯軍有利德軍仍欲保持主動地位制英法軍之機先十六年二月以來對威爾登要塞開始猛攻然英法軍並不為之頓挫六月以來於「松母」(リレム)方面取執拗之攻勢遂至十七年全握先制權於掌中矣聯軍「松母」(ソナム)會戰終結後即開軍事會議於法國十七年春季各戰場俱取攻勢特決期於法國戰場試行一大決戰爾來英法軍於法軍總司令官「尼威爾」(ニグエール)將軍英軍總司令官「黑姑」(ヘーグ)元帥之下以至大之期待準備大規模攻勢英軍則定於四月九日以來在「亞拉斯」(アラス)方面開始攻擊法軍則定於是月十六日以來在「耶奴」(エーヌ)河畔開始攻擊德軍亦豫期

有此攻擊也於「興登堡」將軍統帥之下講求對應之策增加法國戰場兵力並圖先制之利於二月二十四日以來撤退「索亞遜斯、亞拉斯」(ソアッソン、アラス)間突出部憑據所謂興登堡線堅固防守準備頑強之抵抗

職是之故英法軍攻勢自始即陷於最烈之苦戰其成果大反乎豫期忽焉法國發生失望之動搖對於統帥之非難政府之干涉相交而至方期五月一日以改善戰線目的再興攻擊然戰況已自呈交綏之勢於是乃告一大段落焉
至十七年四月十六日兩軍兵力配置大要如附圖第一

第二 千九百十六年十一月聯軍會議(參照附圖第二)

十六年「松母」(ソムム)會戰終結後十一月十五十六兩日聯合諸國軍司令官及其代表會於「向起里」(シャンチー)法軍總司令部協定關於十七年之共同作戰該協定即爲本書十七年英法軍攻勢之基礎其要點如次

- 一 戰爭終局以十七年春聯軍全力一致之攻勢決之
- 二 以決戰爲目的之主攻勢該時期於英法比軍之正面實施之

註：事實
上：德軍
松母（
ソムム）
會戰後十
七年四月
中：增設新
編之師團
二：十七日
其：兵數并
無：大增

三、按過去經驗爲防攻勢時期遲延及結束弛緩起見聯軍須在二月前半期以前完成攻勢準備縱情況上有必須變更時而攻勢實施日期務勿延緩

如右協定所示當時聯合國政府統帥部及議員之間其意見殆爲一致均以德軍新增師數倘時日遷延不惟減聯軍之優勢且有如十六年戰役被德軍制機先之虞故須提早攻勢日期俾獲先制之利至若從來小戰及消耗戰徒爲鉅大犧牲殊屬不利各方面務應相呼應取一大攻勢以期戰局之終決

於是法軍總司令官霞飛將軍立西戰場會戰之一般計畫案如左

- 一、法軍於『疇瓦斯、松母』（オアーズ、ソムム）兩河間英軍於『巴泡眉、衛密』（バボーム、グイミー）間互相併列而取攻勢連續突破廣正面
- 二、另以法中央軍集團於『耶奴』（エヌヌ）河畔由主攻勢正面之側方取攻勢但該攻勢因砲兵力不足故利用主攻擊成功後所生之餘裕較主攻勢約遲十五日後開始

所見 與第四 『尼威爾』（ニグエール）將軍會戰一般計畫綜合後再述鄙見

第三 法軍高等統帥之革新法軍東方及東北方諸軍總司令官「尼威爾」(ニグエール)將軍地位

當十六年末法國關於總司令官霞飛將軍之統帥各方漸有不滿之聲遂以高等統帥之革新戰爭指揮之統一經濟組織之確立等問題總理白里安氏於十二月十三日改造內閣創設類似英國之戰爭會議以指導戰爭綜合統一諸般設施縮小原與政府對峙總司令部之廣汎權限而霞飛將軍則以從來資格備列戰爭會議顧問第二軍司令官「尼威爾」(ニグエール)將軍由白里安氏推荐新任法戰場總司令官「薩拉伊友」(サライユ)將軍仍留巴爾幹戰場總司令官任於是「尼威爾」(ニグエール)「薩拉伊友」(サライユ)兩將軍事實上俱隸屬於戰爭會議十二月二十七日霞飛將軍辭退全軍總司令官兼戰爭會議顧問等職至戰爭會議所占地位宛與日本大本營相似

「尼威爾」(ニグエール)將軍如前所述由一軍司令官一躍而爲法國戰場總司令官襲老將霞飛將軍之後但其權限較之霞飛將軍顯著制限且其經歷不能充分得

前輩諸將軍之信任亦爲不可掩之事實茲述如左

一 前任總司令官霞飛將軍其夙昔地位在支配法軍之人事但與大戰同時基於野戰軍勤務令之明文專行其所屬諸將軍之人事至於近時僅關於實行軍團長以上異動之前通告陸長而已今者「尼威爾」(ニグエール)將軍因野戰勤務令之改訂同時奪去人事上之權能任免軍司令官一屬於陸長權限僅存總司令官面目陸長惟與以據總司令官呈請而決定之內約於是新總司令官權威遠不如前諸將軍胥仰承有實權之陸長顏色矣

二、「尼威爾」將軍迄十六年四月僅爲軍團長是月始轉升第二軍司令官今也驟任法軍總司令官除所屬之軍以外知者蓋鮮且超出前爲自己長官諸前輩之上而更爲其長官則將軍地位之困難無可諱言故「尼威爾」(ニグエール)將軍亟欲於下設置親信將官卽於新任陸長「李樂鐵」(リヨーター)氏抵巴黎之先擢其心腹「滿獎」(マンジャン)將軍爲第六軍司令官當時有一部軍人早懷不平甚至謂如「滿獎」(マンジャン)者不過威爾登一工夫長

之化身及更見總司令官攻勢部署其不平益甚蓋「尼威爾」(ニグエール)將軍爲將來攻勢解軍集團之區分新編豫備軍集團由「米休勒」(ミシュレ)將軍指揮之且「米休勒」(ミシュレ)將軍迄十六年六月尙止爲北方軍集團中之一軍團長爾後爲軍司令官其經驗未逾六月竟一躍而爲重要任務之豫備軍集團司令官配屬第五第六第十等軍於其麾下尤爲諸軍集團司令官所不快軍集團參謀部亦抱反感軍參謀部更似有不滿之意焉

由是觀之新總司令官「尼威爾」(ニグエール)將軍受任伊始其軍已似缺乏一致之精神換言之將軍雖由政府推荐爲總司令官而軍部一方未嘗以贊成與好感迎之也且對之更有反感不過暫安緘默事實上冷眼以觀其伎倆而已

所見

一、法國今次新設之戰爭會議即仿英制試就英國戰爭會議觀之該國內閣事實上等於日本大本營統轄作戰地之總司令官及海軍十五年十一月以來議定多數閣員之不便另以閣員中若干構成戰爭內閣特設所謂戰爭會議以圖指導戰

爭及最高統帥之敏捷更於十六年十二月魯易喬治組閣復刷新之削減漸次增加之議員數且廢止參與一般國務之國務部長兼任全由一般內閣獨立決裁關於戰爭實行之重要問題此乃應戰時要求漸次由多頭政治變爲寡頭政治可謂英國之大進步也

然此次法國戰爭會議有與英國大異其趣者不可不知蓋法國政體上議會保有至大權限平時軍事百般業務概令對議會負責軍政固勿論矣舉全軍指揮悉屬之陸長俾與議會相周旋但開戰之時參謀總長霞飛將軍出爲東北方軍總司令官直屬於大總統（由千九百十二年五月十四日之大總統令）自國境會戰失敗後全以獨裁引導「馬爾奴」（マルヌ）之戰勝救法國累卵之危爾來統帥獨立不羈歷然表現及十五年十二月將原在陸長權限內之巴爾幹遠征軍亦收歸霞飛將軍指揮之下統帥部勢力漸次增長今也至與政府對抗險然有指導戰爭之大威權於是各政黨不悅武人之專橫疑念漸增政府亦懷抱抑壓總司令官權能之意圖遂有今次變更戰爭指導及高等統帥創設所謂戰爭會議之舉然則

法國今次革新一言以蔽之日抑壓武人權勢政府即政黨員欲自收回戰爭指導及最高統帥實權而已政黨政派出而操縱特收統帥不可缺之人事權能於一政黨員之陸長手中俾統帥權威薄弱斯固無論而關於戰爭實行諸問題全決諸多數非軍事專家協議是誠爲法軍統帥上之一大退步也

綜觀英法兩國戰事會議俱由國情上不得已而出之舉固非本自理想也蓋戰事會議者其性質上爲一合議體欲由如是機關敏活處理戰時諸緊急事項可謂至難較之以若干敏腕家輔佐一適任者之獨裁其不利不便殆不可同日而語英之「阜脫來安利、勒唯烏」(フオートナイトリ、レヴユウ)雜誌關於千九百十六年十二月首相「路易喬治」(ロイド、ジョージ)氏刷新從來戰爭會議極度減少議員之數廢止參與一般國務之部長兼任全由一般內閣獨立裁決戰爭實行之重要問題十七年一月一日曾揭長文大示歡迎之意試譯其論旨要點如左

魯易喬治氏不僅轉敗爲勝變更英本國及全英帝國之組織且欲將對德之聯

合列強共同組織其結果也彼殆全與世界之民衆政治主義以新的意味也
本戰爭二年有半爲戰爭上民衆政治失敗之確證法意比羅諸國皆取範於英
國政黨攻治之國也此等諸國就中千八百七、七十一兩年不幸被德戰敗
之法國對今日國難竟全不注意有策略諸政治家雖長於演說與政爭上之權
術而於國家防備殆多忽視是聯合諸國比德國例同盟諸國其人口金錢及其
他各種戰爭資源雖較優越然至今日尙不能戰勝德國也

又曰

此次戰爭可確証戰時民衆政治之失敗然歷史家視此種失敗不足爲奇何則
文明民衆政治創始以來由多數統治者常爲不幸之事試觀過去民衆政治多
不永年此種政府若有成功者決非由於多數統治之故縱令由多數選出而實
際上殆完全爲偉大個人之力行使帝王權力也「亞曾斯」(アゼンス)偉
業決非建設於民衆政治之上實由寡頭政治而成之者也與「亞曾斯」(ア
ゼンス)爲眞民衆政治屈伏於議論政府之下必亡無疑「魏列夏」(ウ
ェ

ホミセ) 共利國偉業建設於古之強力「道接斯」(ドーヂェス) 荷蘭聯邦強盛亦因「阿能即」(オレンヂ) 家顯著之王子而成此兩者俱以政黨政治家收集主權由一人所成之統治倫易以代表民衆政治家羣之統治國勢未有不衰頹者也

又曰

戰爭者一人之事業也過去民衆政治戰爭之成功乃在危急時期民衆付與無限權力於有偉大天才之單獨一人此人所爲適如帝王之專行也羅馬人以討論會所成政府平時雖可存在而大戰之際即確認為致命之物故彼等雖贊同共和主義而仍設置專制組織戰時則不煩非軍事家討論且由弛緩政府一變爲武斷獨裁之統治

又曰

由非軍事家會議指導戰爭古之人有行之者但無論何地何時終歸失敗今者英國及聯合諸國由斯覆轍其遭遇不幸決非偶然也要之戰爭上成功恃乎強

健而且適當之國家組織較諸陸海軍兵力國家富力及其他軍需品之充實尤爲緊要也

路易喬治氏由內閣取出指導戰事權用以彼爲長之五人小會議代多數非軍事家之一團體是誠賢明處置也法蘭西革命亦曾以一會議支配國家指導戰事最初雖置多數議員漸次減至二名經過所有變更所有減員終將政府管理歸於單獨一人之手而拿破崙遂應運而出救濟法蘭西矣

今日時勢以最有才幹者若干人輔佐一人之統治殊爲切要吾人希望魯易喬治氏廢除內閣或戰爭會議等因此等概爲連帶責任之危險虛構也吾人冀彼不徒負首相之名而舉最高大臣之實即此異彼所最良之忠言後以一人決事也從前決斷最緊要事件經長時日討議以不能得全員一致可決理由竟致無限制遷延者切望自今不復有也

大凡訣議事項若由非得全員一致不可之會議體以支配一國思想無論此閣員爲二十三名(指前內閣)抑爲五人(指新戰爭內閣)均屬奇異之事要之現

內閣組織所謂連帶責任者其意味却爲無責任以二十三人（五人亦然）之全員萬事欲其思想一致決心一致乃事實上不可能者也德相俾斯麥關於內閣諸部長連帶責任曾爲賢明之批評曰「責任者惟對於個人本身行爲能保其責任之際始有負之之可能若同一人也爲內閣一人之際將起如次之事即「彼爲同僚閣員之多數議決所制」又「反對者令彼所企圖手段不能實行」又或有時「彼所期實行法律案以有七人繼續不同意於相異細目致有七年間之停滯」等是也此外各部討議贊否相半則由抽籤決定……中略……如此連帶責任之爲物實一虛構也決定責任內閣員之所謂內閣決定者亦或有便利之事然使世人推求如何達此決定則各部長以俱爲與我無關之態度且各有不同之說明何則倘使失敗則何人俱不行責也

又曰

由是言之無論若何戰爭非由單獨一人指導不可有此最上權之一人其部下附屬若干閣員實爲至要至爲討論會式之戰時政府恐自今以往永久消滅矣

以上所論要在指導戰爭不可付之衆議非由寡頭政治不可反復力陳其所以也
倘更進一步欲並戰爭會議而廢之凡有閣員俱爲首相之顧問補助者俾首相一
人獨裁關於戰爭之重要問題換言之即擬路易喬治氏於軍國大元帥也夫論者
擬以路易喬治代大元帥而關於兵馬大權統治大權返諸國王殊關於統帥者舉
永世不渝皇室爲中心確乎不動之事實概未論及此或爲其國情上所不得已歟
不獨英也法國亦然其國情上理想不易實現不過僅因多衆政治之不便而以寡
頭政治代之此亦情勢之不得已也

若夫日本之國家組織及國情則與英法諸國全異其戰爭指導特以最高統帥爲
皇帝大權用極少數輔佐官爲之輔弼是可謂理想國家確信對於戰爭有強大之
旨趣也至參與此等帷幄機務者爲最高統帥部及內閣若干員各以稽攷戰爭終
局目的希圖戰略政略調和爲任也夫近世大戰其關係範圍極爲廣大若如往時
僅以戰略上見地指導有所不能一面既以戰略上要求爲重要同時他面尤須顧
慮政略上要求故將來爲統帥部者益當具有政略眼光爲政府者亦宜由政略上

見地覺悟對於戰爭指導責任之加重然則參與此等指導戰爭機務者非以少數不可之一事徵之英國實例已然吾人所當深銘肺腑者也

二 「尼威爾」(ニグエール)將軍之拔擢即在法軍亦若爲異常之事軍中多抱不平已如前述特其拔擢當否姑置勿論彼歐洲軍隊斷行意想所至之拔擢及諸指揮官有原爲上級反爲下級者有被左遷者均能仍盡職責等事自吾人觀之若爲奇異然如此習慣亦不可不謂其有一特長試觀日軍如日俄之役連戰廷捷固順利作戰之經過殆不覺其必要但恐將來之戰不克常保爲斯戰局若有幾許波瀾不惟指揮官之變更必不可免且爲緊要不可缺之事此際若拘於因循姑息之舊習不特軍之刷新事業不克遂行即人物經濟之運用亦令人有受制不少之感也

其四、 尼威爾將軍會戰一般計畫 (參照附圖第二)

「尼威爾」(ニグエール)將軍於前任總司令官霞飛將軍之計畫加以修正與「亞拉斯」(アララス)方面英軍之攻勢相待而在「耶奴」(エヌ)河畔以法軍

主攻勢指向之自大體觀之將由直交方向插入二大楔於敵線十六年十二月三十日以來先用訓令形式下達其意圖於軍集團司令官

由是觀其大體計畫英軍則對「喀姆浦勒」(カンブレ)方面取攻勢於可能範圍牽制敵之大兵次則法豫備軍集團在「耶奴」(エーヌ)河畔對北方取攻勢迅速突破敵線擊潰爾後來到敵軍最後各攻擊兵團以覆滅敵軍目的投入所有兵力繼續攻勢或再興之完全擊破敵兵敗退之於國境以外基此企圖決定法軍各集團任務如左

- 一、北方軍集團(「法蘭西、德斯別勒」(フランシエー、デスベレー)將軍指揮之第一第三兩軍)則以「坎尼、休爾、滅齒、義斯喀多」(カンニー、シユール、メツツ、ギスカド)之線爲攻擊方向突破「窪茲」(オアーズ)「亞布爾」(アーゲル)兩河間之敵正面成功後即向「肖李、哈母」(シヨニー、ハム)之線前進終則於「窪茲、松母」(オアーズ、ソナム)兩河谷占領敵主要連絡線(十六年十二月三十一日發訓令)

- 二、豫備軍集團(米休勒(ミシユレー)將軍指揮之第五第六第十等軍)則以「浦里孟、魯夏帖爾、拉、馬爾密德、菲斯其俄、烏爾色爾、務伊里」(ブリモン、ヌーシヤテル、ラ、マルメーゾン、フェスチオー、ウルセル、グアイリー)之線爲目標突破「壞斯、耶奴、窪茲」(ランス、エーヌ、オアーズ)運河間之敵正面成功後向「拉安、森昆墩」(ラオン、サン、カンタン)方向追擊向「瓦爾母勒威爾、亞尼幾爾、魯、昆脫、薩母喜」(ワルムレグイール、アニジール、ル、コント、サムシー)森林、「壞斯克爾、亞尼幾爾、下脫、索阿遜斯」(ランスクール、ウニジール、シャトー、ソアツソン)之線前進(十七年一月二十九日發訓令)
- 三、中央軍集團(別丹(ベタン)將軍指揮之第二第四兩軍)則在「斯安、莫隴隈耶」(スアーン、モロングイエー)間地區取攻勢以牽制「亞爾貢奴、阿別利夫」(アルゴンヌ、オーペリーヴ)間之敵援助豫備軍集團攻勢(十七年一月六日發訓令)
- 四、東方軍集團(「喀斯帖爾諾(カステルノ)將軍指揮之)則至情況需要爲止在待機之姿勢

以上所具理由大概如左

一 爲英軍攻勢選定「巴泡眉、亞拉斯」(バボーム、アラス)方面地區者蓋由地形上而言由現在配置整理上而言又由利用「亞拉斯」(アラス)南方敵之突角而言以此地區爲主攻擊正面最爲適當故英軍攻勢仍選定此方面至此地以北「拉巴色」(ラバッセ)運河方面「發蘭德爾」(フランドル)地方則因節候土地性質至夏季止展開大兵頗爲困難故非避之不可也

二 法軍霞飛將軍所選定之「亞務爾、松母」(アール、ソンム)地方已如十六年攻勢所經驗敵之兵力密度砲兵威力河川障礙等不惟使迅速之突破作戰困難而正面過狹亦不宜於主戰場

香檳里(シヤンパーニュ)方面雖無需如前致慮然與英攻擊方面相隔稍遠對「壤斯、亞拉斯」(ランス、アラス)間突角有不能妥速發揚兩軍成果之不利

「耶奴」(エーヌ)方面僅有「別里阿巴克、務伊里」(ペリオーバツ

ク、グアイリー）間唯一渡河點且非與設備堅固之「休滿、特、達母」高地正面衝突不可該地區又有鐵路及既設陣地在在資敵以抵抗之便殊屬不利但一般形勢與英軍取直交之攻擊方面倫突破進行即得適切包圍「索亞遜斯、羅瓦伊也」（ソアツソン、ロワイエー）間一大突角此爲最利之點也

「尼威爾」（ニヴェール）將軍據以上考案於十六年十二月二十一日向英軍總司令官「黑固」（ヘーグ）元帥要求於一月二十五日以前將「亞眠斯—羅瓦伊也道、浦遐隈」（アミアン—ロワイエー道、ブーシャージュ）間之正面與法軍交代擔任得元帥附有條件之承認乃更親赴倫敦蒞英國戰爭會議說明會戰一般計畫及經過豫測且力陳爲聯軍者應無遲滯執取攻勢以收先制權之重要英方頗贊同其主義但前記交代期究未能早於三月上旬以前英軍攻勢期亦不能早於四月一日以前於是聯軍攻勢較「尼威爾」（ニヴェール）所希望又有若干遲延矣

所見 一 聯軍於十六年十一月聯軍會議見一般形勢於自軍方面有利遂決於十七年春取德攻勢特以英法軍任主決戰將以此爲大戰終末蓋以爲聯軍可獲從

前德軍專有之先制權急欲乘攻守地位轉移之際以聯軍協力大舉壓例同盟軍而結束有光榮之戰局亦情勢所當然也然平心觀之尙欲決戰非將彼方戰力掃蕩無餘不可故必有如斯目的之會戰方能獲大成果否則將有大危險隨之至欲突破西戰場數線堅固陣地決定與敵以打擊舉凡兵數火砲彈葯均需優勢此徵之從來經驗而明者也及觀西戰場當時兩軍勢力聯軍兵數約占六十師優勢然似已偵知之德軍則新增師數聯軍不但不能維持優勢之程度且英軍能力尤多遺憾頗不適於大規模之運動戰有此弱點即令兵數上稍占優勢而其實力減殺甚大就中法軍砲兵力以企圖決勝之一大會戰尙覺不足即如霞飛將軍會戰一般計畫中所示任一部攻勢之法中央軍集團因砲兵不足之故俟主攻擊方面成功後轉用所生之餘裕以圖補救此種窮策即其不足之徵也然按今後形勢德國於千九百十六年其武力有已臻絕頂之狀反之英法兩國漸得補其平時缺陷殊以重要軍事工業之增進除同盟國方面外殆可利用全世界資源且此時法益熱中於砲兵力增進英愈致力於兵員增加與訓練聯軍戰力殆有與時俱進之情況

由是觀之聯軍欲於十七年春決戰以賭戰爭運命稍嫌過早寧於機會成熟以前確實掌握先制權充分以求消耗敵之戰力可也

二、霞飛將軍會戰計畫大體在指導英法軍一體之主攻勢向「松母」(ソムム)河兩側地區其他一部的攻勢(法軍之一部)向「耶奴」(エヌ)河畔以圖決戰此案價值殊置重於此指導至與英軍提携與否尙屬其次也然「尼威爾」(ニグエール)將軍所立計畫使英軍獨力於「松母」(ソムム)河以北取攻勢將法軍主攻勢變更於「耶奴」(エヌ)河畔較之前案殆爲根本的革新此案於主攻勢方面避除併用指揮系統不同兩軍之不利且決戰企圖頗爲明白理論上似較前案優勝然兩案俱對德軍戰線向東北方插入二個大楔俾決戰效果偉大之點則一僅於主攻勢方面南北相轉換之點所見有差異而已至比較此兩案所先決之重大事項厥爲英軍能力當時英軍雖已具有應陣地戰之伎倆而以獨當大規模之運動戰尙屬不能此不可不知者也

信斯言也則如後案以英軍獨力插入一大楔於北方之企圖不惟英軍能力實現

之程度頗爲疑問且以另一指揮系統與法軍主攻擊方面遠隔獨立之英軍能否適如法軍希望互相策應取適切之行動是亦至堪懸念之一事也至若前案英軍與法軍主力直接提携由法軍成果俾得享受利益同時於他方以有實力法軍由「耶奴」(エーヌ)河畔取一部攻勢兩相呼應期決戰進行確實此種策案可謂頗有價值蓋霞飛將軍計畫除利用從來兵力配置而外似對於英軍甚爲懸念關於此點支配之處甚多寧不謂爲適應實情之攷案乎

兩案俱對「松母」(ソナム)河方面取攻勢其他攻勢有謂宜向遠過「耶奴」(エーヌ)河畔之「香檳里」(シャンパーニュ)地方者然一部攻勢方面與主攻勢方面間隔應擴張至幾何程度爲止則視全會戰能力大小而已換言之關於插入二個大楔威力之大小者甚大故如當時戰力無餘裕之會戰規模自然狹小者誠有所不得已也

第五、「尼威爾」(ニグエール)將軍戰法

新總司令官「尼威爾」(ニグエール)將軍由過去經驗推想之而有理想戰法即

將軍以爲對敵數線陣地逐次行準備砲擊苟置時間之間隔則防守之敵可注入豫備隊有又逐次在後方編成陣地之餘暇甚不利也故突破須經最大縱深準備砲擊後以迅速果敢之步兵攻擊一舉而突破數線陣地由是會戰經過分爲二期第一期須速果敢進至敵砲兵陣地線第二期則以豫先準備之豫備隊追擊俾敵無第二期企圖之餘裕時間

十六年十二月二十四日將軍所與攻擊軍集團司令官訓令然旨如左

- 一、突破正面（進至敵砲兵群後方）則以歷二十四時至四十八時之迅速一擊
- 二、攻擊有大縱深（約八浬）之敵陣地務將長射程之破壞重砲推進前方此種火砲不足時以長射程輕砲之一部補之

三、與突破同時以覆滅敵砲兵占領後方連絡線奪取供我補給上必要之鐵路爲目的放膽行側方擴張

四、掩護以擊破敵豫備隊爲目的控置兵團之進出須確保「耶奴」（エーヌ）河北岸橋頭堡

五、突破擴張側方擴張前方三動作於可能範圍須使有密接連續之必要此行動迅速爲本作戰絕對要素須爲周到之準備

所見 尼威爾（ニヴェール）將軍戰法可令從來法軍所取突破會戰主義愈爲顯著試即當時以前法軍戰法變化攻之十四年十二月以來法軍於「香檳里」（シヤンパーニュ）地方所行攻勢要在逐次奪取敵支撐點獲某程度成功後以強大豫備隊形成突破然十五年四月十六日發令則以對堅固陣地攻擊要領而改其主義排斥從來逐次攻擊而一舉達到敵砲兵陣地且攻擊正面廣大戰鬥正面縮小縱長兵力增加步兵攻擊則待砲兵準備射擊之效果行之爾後十五年五月法第十軍在「亞拉斯」（アラス）北方地區攻勢是年九月下旬英法軍在「香檳里」（シヤンパーニュ）「亞爾安亞」（アルトア）地方攻勢俱按以上主義實施之前者正面約二十軒兵力約十六師歷數時間準備砲擊後步兵開始攻擊後者則於「香檳里」（シヤンパーニュ）地方正面約三十軒兵力約二十四師騎兵八師「亞爾安亞」（アルトア）地方正面約三十二軒兵力約二十八師騎兵六師歷三

日有餘準備砲擊後步兵開始攻擊但仍未達目的而止

於是以攻擊不成功原因猶在攻擊正面狹小砲兵力縱長兵力不足使用豫備隊及濾過敵陣地帶不舍法更於十六年一月十六日制定新攻擊要領該攻擊要領大體方針較從來所有無何等變化唯益認有強盛砲兵力之必要砲兵準備射擊對敵第一線陣地全體不惟呈破壞効力如其可能對第二線陣地亦務盡力破壞之又乘最初成功突破第二線陣地固所願也然多爲攻擊第二線陣地之故再需砲兵準備射擊與攻擊初期準備射擊同其繼續時間則基於效果如何以決定之由是十六年七月以來英法軍於「松母」(ソンム)所行攻勢以正面四十籽兵力約四十師歷一星期間準備砲擊與德軍第一線陣地帶以至大損害始移於步兵攻擊但其經過頗爲遲緩遂至消滅攻擊要領精神其攻擊力萎靡殆有終歸於盡之勢

通觀以上所述法軍突破會戰主義在漸次增大攻擊正面與兵力並增加準備砲擊時日且攻擊第二線陣地須於攻略第一線陣地後在可能範圍迅速實施之然「尼威爾」(ニヴェール)將軍則以過去經驗任何會戰常於某時期獲重要成功而

未能充分利用其成果者其咎厥爲逐次制限攻擊也是故以更大規模之準備砲擊同時破壞敵第一第二兩線陣地成立一氣呵成突破敵數線陣地之考案

該戰法在迅速突破無與敵以餘裕時間惟現之事實者僅屬於步兵攻擊開始以後由長大準備砲擊俾敵易知被攻擊正面得有從容應付之餘裕仍如故也關於此點詳於最後結論

此外該戰法缺點在過信砲兵力即砲兵準備射擊果能亘如斯廣正面同時將敵第一第二兩陣地充分破壞使步兵攻擊如所期望迅捷進行否耶頗爲疑問要之將軍戰法著眼在一舉突破敵數線陣地是則大堪同意者惟尙未臻澈底之域耳

第六 英法兩軍統一指揮問題

此次組成一體大會戰英法兩軍統一指揮問題不能不發生矣

果也法軍總司令官「尼威爾」(ニヴェール)將軍二月渡英於英國戰爭會議商議一般事項後即力陳會戰期間在法全軍有統一指揮之必要英首相亦全表同情且承認總指揮權當然屬於法軍「尼威爾」(ニヴェール)將軍歸法後更要

求英首相於前所協定以書面回答嗣英首相喬治全與以滿足答復由是英軍於未來會戰間須受法軍總司令部戰略之指揮

於是「尼威爾」(ニヴェール)將軍受指揮英軍權能且以爲此協定當然爲英軍總司令官「黑固」(ヘトグ)元帥所豫知故對「黑固」(ヘーグ)元帥始取命令形式詎料元帥尙未知此事怫然請說明命令之所以「尼威爾」(ニヴェール)將軍乃示以英首相關於此件文書冀得諒解乃元帥不表同意自返倫敦提出強硬抗議於政府謂英法兩軍應保持完全協調今何故卽形式上改變兩者關係乎英法兩軍協同作戰在過去期間未嘗任何一方正式置於他方命令之下而圓滿進行也如故是今後進行應亦無阻礙也若必欲置英軍與法軍支配之下則請先罷予職

元帥態度如斯此項新協定竟至無効並挑起兩軍總司令官之不和幸由法陸長「李樂鐵」(ニヨータノ)氏二月七日起英盡力調停兩者感情復歸於好而統一指揮問題遂成泡影矣

所見 英法兩軍指揮統一問題一時雖獲成立不幸引起「黑固」(ヘーグ)元帥反感仍復消滅然兩軍統一指揮之必要至少亦須於一大會戰統一會戰間之指揮固不待言特吾人所須注目者即「尼威爾」(ニグエール)將軍在英於如斯難問題易獲成功是也是由該問題在事理上爲當然要求且將軍任交涉員爲最適當也凡協調上以與對方疏通意思融和感情爲第一要件通常各種交涉莫不皆然相傳「尼威爾」(ニグエール)將軍血系屬英頗擅英語英國政界善之及臨戰爭會議也凡有應答悉用流暢英語由是聲譽突起大博英首相信任是實爲理外之理而於本協定成立上有最大効驗吾人可省察而知也

及觀與英軍總司令官「黑固」(ヘーグ)元帥關係則適得其反「尼威爾」(ニグエール)將軍既未有先求元帥諒解之攷慮英首相亦未以何種策畫謀之元帥而決定指揮上重要問題宛然有唐突元帥之狀此元帥所以不能無感於中不得概以狹量責之也蓋元帥直受英皇委任指揮全英軍隊豈甘受法總司令官或英首相之頤使且因感情問題至令協調上發生大蹉跌此可爲其證佐無庸諱言者也

第七 德軍退却時英法軍情況（參照附圖第三第四）

當此之時德軍豫知英法軍將行大攻勢乃制機先放棄「索亞遜斯」(ソアッソン)至「亞拉斯」(アラス)附近突出部向豫行準備興登堡線退却自二月二十四日以來開始撤退英第一軍前面「安克爾」(アンクル)正面至德軍目的所在似欲使英法軍攻擊準備歸於無効遷延其攻擊開始日期同時縮短戰線節約第一線兵力增大與新陣地強度相待之防禦力

英軍總司令官「黑固」(ヘーグ)元帥見德軍退却以爲德軍或將爲攻勢策術此際聯軍攻敵爲甚危險僅可空擊敵正面大部分而於明知敵軍企圖以前不行攻擊以爲慎重策案且似深慮德軍移轉攻勢也者視北方「利爾」(リール)海岸間爲大危險地區誠以現在配置一旦北方有危險之際不惟不克支持其使用豫備隊亦不適當更以德軍此次退却致英軍極大準備減少效果爲理由至有否認豫定攻勢之傾向是以英軍追擊頗爲遲緩爾後至三月十六日法軍正面德軍退却時止實歷三星期以上僅逐次奪取德軍舊陣線而已然三月十五日戰線仍在舊德軍陣地帶其在「松母」

(ソナム)南方者則巨「浦勒瑣亞爾、弗勒斯魯、巴魯魯、比亞休」(ブレッツ
ツアール、フレスヌ、バルルー、ピアーシユ)之線其在「松母」(ソナム)
北方者則巨「蘭克爾、薩伊、薩伊則魯、其羅亞、姑魯偉、浦友九、哦、孟、
安列斯坎」(ランクール、サイイー、サイイゼル、チロア、グルゲイエー、
ブエイシユ、オ、モン、アンネスカン)之線

當時法軍總司令部不能明察德軍退却範圍止於何處然德軍退却即或向法軍正面
豫想之興登堡線退却亦於從來確定會戰計畫不至有大變更仍得以今日以前所準
備適時實行攻勢惟此際英軍已無於「阿克爾」(アングル)正面取攻勢之必要
故以該正面所減少兵力轉用於攻擊「斯喀爾浦」(スカルプ)正面又法北方軍集
團亦僅以必要最小限兵力從事追擊而止其餘悉數撥歸中央軍集團俾增大該方面
攻擊力此種腹案似早已成立三月七日乃發關於此項訓令由是法國例似不滿於英
軍前記態度總理「白里安」氏三月六日電英總理「魯易喬治」氏反復陳述「黑固」(ヘ
ーグ)元帥有乖戾所與訓令之傾向現值實行期迫對於我之攻勢懷抱疑問實深

遺憾應請注意「尼威爾」(ニグエール)將軍亦努力於會戰全體計畫之遂行通告「黑固」(ヘーグ)元帥以督勵之謂對於「弗蘭多魯」(フランドル)德軍之攻勢有所危懼殊覺毫無根據也即令對該地方有取若干對應策之必要然豫定攻勢任屬何點俱應不使稍有阻碍云

此際德軍退却愈益擴大果也三月十六日以來及於法軍正面當時法軍據捕虜及逃亡之言俱謂德軍內部縱火焚燒實行破壞遂推斷德軍將於「三、果榜、森昆墩、喀姆補勒」(サン、ゴバン、サン、カンタン、カンブレ)及亘其以北正面全體退却故增加值探且於可能範圍內向內部推進之努力偵查敵情然追擊開始已在德軍撤退第一線陣地之三線以後至法北方軍集團則以附圖第三經過由三月末亘四月初壓迫德軍於興登堡線

法軍總司令官於當面德軍退却時基豫定攷案決定中央集團軍任務三月十七日令曰「豫備軍集團攻擊開始之日與之密接連繫向「阿別利烏、毛魯伊」(オーベリ、ウ、モイロイ)間正面實施猛烈攻擊」又訓令在德軍退却正面之兵團曰「使

用全火器猛烈追擊敵兵」但對敵誘我至陣地外施大反擊之企圖更應有所顧慮乃於三月二十九日下左記要旨之訓令

一、 北方軍集團以其前方部隊與敵密保觸接主力則先占「浦勒散、庫里斯妥夫、三、喜孟、鐵爾尼耶、磅、三、烏爾脫」(ブレリーサン、クリストフ、サン、シモン、タルニエー、ホン、サン、マルトール)之線以備將來攻擊「窪茲」(オアーズ)「松母」(ソナム)兩河間與登堡陣地

二、 豫備軍集團務速開始攻勢當敵退却之際立即追擊敵軍若停止須與密保其接觸

所見 英法兩軍對德軍退却時行動均顧慮敵準備反擊以慎重態度追擊之殆不見有若何效果尤以英軍爲然此次敵機動防禦早有準備其行動寧脫尋常追擊狀況而取近接敵本陣地之運動故非加適度戒心不可至英軍則如所謂叩石橋而渡過者步步爲陣逐次前進殊不免有過慮之處然觀當時英軍能力殆亦有所不得已者在乎

然則是時應施如何規模之追擊乎是全視乎今後會戰計畫如何蓋在如斯狀況行一大追擊非於當面企圖一大攻勢則不可行也

抑更有言者當時法軍大體上察知德軍退却意圖有立即乘之衝其退却實行半途之策畫然德軍久已準備退却後方構成堅固陣地線故法軍此項策畫不能有效蓋敵已制乎機先但其諸準備大體完成故撤退地域之破壞行爲（即如見諸事實之一大破壞不得豫想者亦然）大部不能避免由是對於當面攻勢漸次遲滯且有衝突堅固陣地線之不利故法軍向德軍撤退正面之追擊僅以必要最小限兵力擾亂敵兵而止對其他正面則務速準備攻勢乘敵新配置未完成爲宜法軍總司令官決心固亦如是關於此節更有詳述於後

第八 德軍退却後法軍會戰一般計畫（參照附圖第四）

三月二十七日法軍總司令官豫想北方軍集團爾後得容易進出於「三、坎丹」（サン、カンタン）附近乃定攻勢部署自四月二日開始準備砲擊自四月十二日開始步兵攻擊而於四月五日決定會戰一般計畫如左

突破

一、英軍則突破、「格安、幾烏安喜」(ケアン、ジグアンシー)間敵線以其豫備隊向前方「喀姆浦勒、自耶」(カンブレ、ツイー)方向進出同時速行側方擴張向南方興登堡線背後北方「壤斯、拉巴色」(ランス、ラバツセ)正面背後席卷敵兵

二、法豫備隊集團則對已決定之「希爾孫、烏爾安、圭西」(ホルソン、グエルグアン、ギーズ)方向取一大攻勢

中央軍集團則以第四軍先奪取「莫隴隈耶」(モロングイエ)高地進出於「休伊浦」(シュイツプ)河畔爾後以主力向西方取攻勢

北方軍集團則奪取敵在「森昆墩」(サン、カンタン)西方南方前進陣地後與右翼豫備集團左翼英第五軍連繫攻擊「亞蘭克爾、哈爾里」(アランクトル、ハルリー)間之敵

三、比軍則突破「低克斯美的」(デュツクスミュード)地區之敵正面

擴張

四、英軍則於占領「喀姆浦勒、自耶」(カンブレー、ゾーエー)後須向「魯勒爾、干的」(ルーレル、ガン)方向進出與比軍連繫經「瓦蘭遲奴」(ヴァランシエンヌ)向「蒙斯、仔爾列」(モンズ、ツールネー)「庫爾脫勒」(クルトレー)方向前進

五、法北方軍集團則占領自「希爾孫」(ヒルソン)通「喀姆浦勒、瓦蘭遲奴、毛補基」(カンブレー、ヴァランシエンヌ、モーブージュ)諸方向之鐵路

六、其餘軍集團則占領「耶奴」(エーヌ)河畔連續占領「母茲、瑣爾孟奴」(ムーズ、ソルモンヌ)「窪茲」(オアーズ)諸河間所含地域諸要點

由是觀之英軍於「斯喀爾浦」(スカルプ)正面向東方攻擊法軍主力於「耶奴」(エーヌ)河畔向北東方攻擊深入敵線而突破之意在誘起德軍全線退却至國

註
美對德宣
戰爲四月
六日

境附近爲止續行會戰以覆滅敵軍其規模廣大實爲亘古未有者也

所見 法軍總司令官仍以決戰目的不變更從來一般計畫務速由德軍撤退正面之側方機取攻勢北方軍集團追擊果如豫期進行也即定攻擊部署且決以四月十二日開始步兵攻擊今論此決心當否所應考慮者第一爲當時情況仍可以決戰爲目的否第二縱令可爲決戰而從來會戰計畫有變更之必要否是也

第一、當時情況較十六年末聯軍會議之時有至大變化不可不知即本年三月俄國革命此次德軍戰線撤退美德關係斷絕等是也就中若俄國革命引起俄軍解體聯合軍例有失一臂助之感而在德軍轉因是大減其負擔不至冒大危險可將東方兵力轉用於西戰場且向興登堡線撤退防禦力反增強大是故今者英法軍決戰其困難之度較之從前可謂增進矣抑戰力關係自初即有決戰尙早之感矧現在情況困難尤甚爲聯軍者應將豫定決戰延期惟確保其先制權殊以振作國民志氣爲目的試行一大會戰庶爲適當之策案歟

然當時英法兩國就中英國有一大問題使其痛感速求決戰之必要即德國無制限

潛水艦戰所及脅威是也德國潛水艦戰策今日思之不覺其易達目的特在當時就中如三四月之交聯軍船舶損失其數字遞加實足令人驚駭不但已蒙痛切影響前途更不許樂觀倘以當時之勢猛進不已則聯軍不出本年秋季將除屈服以外無他途也矧俄軍情況原爲聯軍側之一大損失而其前途尙大有增加不利之懸念乎由是觀之夙以其戰力信爲決戰可能之英法軍縱無絕對優勢而利用歷長期間準備之全力速求決戰以期脫出苦境者蓋亦有所不得已者與

第二、然則續行決戰可仍襲用從來計畫否乎夫從來計畫成於德軍未撤至興登堡線以前按之現時新情況其價值大爲失墜蓋擬包繞「索亞遜斯、亞拉斯」(ソアツソン、アラス)間敵之大突出部以期現出殲滅戰之企圖不幸大部歸於泡影故也於是法軍將主攻勢更移向東方成立「香檳里」(シャンパーニュ)方面插入一大楔考案此如本書之首所述更有良好之感也然觀一般形勢「夏琪柳」(シヤンパーニュ)平地東控「亞爾貢奴」(アルゴンヌ)森林地域西據「拉安」(ラオン)地方臺地適爲敵人二大據點之空隙苟非有遂行突破最偉大之

氏當日在下院聲稱政府舉軍之編制及維持上一切事項收於權內又爲軍事協調完全對諸聯合國連絡務擴大其權限惟既選任能導軍隊於戰勝之首將則戰略上判斷作戰計畫並關於統帥者非與以一切之自由不可是爲政府自任職責之所在也

新內閣之此項政策與前無異且證言統帥之不可侵惟此次內閣更替決非總司令官「尼威爾」(ニグェール)氏所喜蓋將軍自是失政府部內奧援白里安氏及「李樂鐵」(リヨーター)氏不僅此止新陸長「潘魯偉」(バンルグエー)氏對將軍更無好感由是兩者之間發生軋轢遂釀成法軍統帥危機發生研究本攻勢上不可寬假之問題以下略就此等內部觀察記述之

一、新陸長潘魯偉氏(バンルグエー)屬獨立社會黨先列於十五年十月三十日成立之白里安內閣爲教育部長兼國防發明會長十六年十二月縮小內閣之際去職此次「李博」(リボ)內閣成立得爲陸長至潘氏關於軍事方面之素養則基於前任國防發明會長時有出入戰線之特權不僅關於戰鬥器材有所研究並得關於作戰之趣味與了解氏在此間復與多數大兵團指揮官及其參謀

部交際自具判定諸將軍價值之素養對於軍事不得全謂之爲門外漢故氏之爲陸長也似爲當時一般人所豫期

二、氏在十六年十二月值白里安內閣縮小關於高等統帥革新問題不惟與白里安氏意見有所扞格亦不欲與陸長「李樂鐵」(リョーテ)氏同列內閣遂拒絕留任勸告去閣後頗聞大受左黨歡迎大體與白里安氏立於反對地位故由此點而言似對白里安氏推荐之「尼威爾」(ニヴェール)將軍殆無好感也

三、氏對於作戰夙有趣味與了解聞前以國防發明會長訪問戰場氏之談話常入於作戰上問題未曾觸及化學器械等專門事項然氏對現在所行消耗戰及他日將行突破會戰俱不表同意依氏之意則認爲英法軍今日戰力突破德軍實不可能是因德軍後方有多數陣地故對應之法寧使敵攻擊於可能範圍加以大損害若我之攻擊則制限目標逐次攻陷敵陣地使敵非將其側方諸陣地撤退不可如此戰法期雖延長然我之兵數及砲兵力亦隨時日以俱增蓋英軍兵數可以逐漸增多法軍亦得充分準備砲兵力故也是以正面擴張由英軍擔任之法軍得於後

註俄軍當時
尚未被勞
長會解散

方編成強大機動軍利用前記逐次攻擊所獲戰果得於此求一大決戰即諸方聯軍互相呼應舉行一總決戰厥在此期至氏之此法雖與總司令官霞飛將軍之案有所不同倘得富有經驗善爲統帥之將軍使之實行必獲有榮譽之成果其自認新戰法價值似不爲不大也

於是氏利用視查戰場特權稱在諸將軍中物色堪爲霞飛將軍後任負最高指揮重任之人其入選者厥爲「別丹」(ベタン)將軍其人時議員對於「別丹」(ベタン)將軍之月旦殊欠良好其故似由將軍謹嚴寡默態度未能與訪問議員以好感獨「潘魯偉」(バンルヴェー)氏愛將軍態度轉認爲將軍爲精神確乎不拔之表徵將軍亦鑑於氏之任務允其要求而有開陳意見之義務與氏關於戰爭意見有所交換將軍見解遂大中潘氏之意而以將軍爲諸將軍中最優秀指揮官深信將軍對於士卒生命法國資材可獲最善之節約然值十六年末高等統帥革新之際白里安氏擢第二軍司令官「尼威爾」(ニヴェール)將軍推荐爲總司令官於是氏乃先以霞飛將軍仍以總司令官名義留任反對之又對選定「

尼威爾」(ニグエール)將軍不表贊意以爲「尼威爾」(ニグエール)將軍雖博得諸部長及上下兩院議員間之好評然未曾有統帥大軍機會係由今日試之者也當今之時試之果爲適當時期乎將軍能力謂其一時能充分統帥大軍恐尙未有承認之者也將軍在「威爾登」(ゲエルダン)功績雖甚顯著不過指揮一軍法軍之中何竟無人而必選定未能充分認其能力之「尼威爾」(ニグエール)將軍殊令人眞難索解也

由是觀之「潘魯偉」(パンルグエー)氏列席新內閣也其初既對「尼威爾」(ニグエール)將軍未有十分信任寧以懷疑之態度迎之可得想察而知也三月二十一日潘魯偉氏之就陸長任也當時適爲德軍向興登堡線實行退却之時法軍未克發見德軍退却準備故其退却也未受何等擾亂而得實行且其一大砲兵材料幾全部撤退完畢實令法人驚異一面畏興登堡將軍之天才一面對「尼威爾」(ニグエール)將軍起非難之聲以爲「尼威爾」(ニグエール)將軍被興登堡將軍所玩弄如此情況能保將來攻勢不再挫於敵手且軍部內亦發生此等懸念如「別丹

「(ペタン)將軍者亦隱憂之一人也

潘魯偉氏亦難置憂慮乃自歷訪諸軍徵諸將軍意見一般得明徹諸將軍之所屬望但以會戰計畫規模極大就中對氏所表絕大信任之別丹將軍於將來攻勢除可使任若干牽制任務外不與以重要作戰並不信任別丹將軍之攻勢成功此氏所極爲痛心者也有諸內必形諸外潘氏亦未能免此其對於攻勢所抱疑惑與不贊成之意若已充分表示於外致從來熱心歡迎攻勢諸將軍中之一部早知此間消息而決心爲之動搖云

聞潘魯偉氏之附屬「黑爾浦能」(ヘルブロンネ)上校曾於三月三十一日或四月一日具意見書於氏謂俄軍刻正解體興登堡將軍脫離英法軍攻勢正面之一部昨年十一月在「向其里」(ミヤンチリー)之軍事協定已失効力今德軍對俄軍無若何懸念由東方面迅速轉用其兵力於西戰場企圖一大決戰極易之事也此項協定誠宜延期他日其實行期今日不可倉卒決定云

陸長潘魯偉(バンルヴェー)氏益滋危懼乃再訪問諸軍並召諸將軍於巴黎使陳述意見然「尼威爾」(ニヴェール)將軍及「滿獎」(マンジャン)將軍雖仍

有確定決心而「米休勒」(ミシュレー)「馬則爾」(マゼール)「弗蘭西、特斯別勒」(フランシエー、デスベレー)諸將軍尤以「別丹」(ベタン)將軍以爲豫定作戰恐不能爲「尼威爾」(ニヴェール)將軍所期望之成功也。所見對「尼威爾」(ニヴェール)將軍伎倆不能全表信任之潘魯偉陸長見將軍會戰計畫對其成功懷抱疑念殆事實也又自他方面觀察之該會戰計畫中將氏所最信任之「別丹」(ベタン)將軍置之疏遠此氏所苦於了解者不但疑惑滋甚而不滿之情亦若爲之增長焉雖然吾人拋却此等纏綿之感情問題陸長「潘魯偉」(パウルグエー)氏對統帥部計畫豫想(觀其結果可謂明察)成功之不確實不禁動憂國之念表面上固不能容喙於統帥而其中已憂心如焚矣

戰爭指導者與統帥部意見相違日本將來亦或有此事蓋參與戰爭指導機務者之中須豫想有文官之總理與其他非軍人之元老等參與其間若此等人士察知統帥部計畫對其作戰懷抱疑慮持反對意見即將與法國有類似之情況也

抑參與戰爭指導機務者須調和政略戰略兩方面之要求戰爭之終始勿論矣關於作

戰大方針任輔弼職責之統帥部即應準此決定作戰計畫以全責任致力於目的之達成換言之參與戰爭指導機務者僅知統帥部計畫之大本至其內容不惟無庸知及且如此事項有嚴密保持之必要若侵其職域並欲進窺會戰計畫內容則既已知之即不能默爾而息此人情之常必對於此有所批評實開容喙於統帥範圍之端緒而國軍危機胚胎於此矣

要之統帥部者對所與目的之達成有完全責任其計畫內容如何非外部所得容喙之範圍即令參與戰爭指導機務者對統帥部計畫有大抱疑念之際苟選任專門主將爲統帥而後即應始終委其獨立自由作戰不問爲友誼抑爲非公式舉凡一切類似容喙之言動俱非避免不可對軍隊國民更須絕對避免表白疑惑之行爲至此際當局者重大責務益當表明自己對統帥者信任用以繫軍隊國民之期望俾得一致團結鞏固增加會戰上無形之威力

由以上見地觀之陸長潘魯偉氏言動其赤誠固堪原諒然不能絕對表示同意不寧惟是其不識不知擾亂軍部精神狀態致令總司令官信望減殺之罪不能不認爲甚大也

第十 「昆比耶流」(コンピエーニュ)會議

對將來會戰意見之不一致不惟使政府疑惑甚並滅殺會戰上諸軍對總司令官最必要之信望大總統「博安加倫」(ポアンカレ)氏知事勢不易乃以解決目的於四月六日開戰爭會議於「昆比耶流」(コンピエーニュ)大總統「博安加倫」(ポアンカレ)總揆「李博」(リボ)陸長「潘魯偉」(パンルヴェ)諸氏總司令官「尼威爾」(ニヴェル)東方軍集團司令官「喀斯帖爾諾」(カステルノー)中央軍集團司令官「別丹」(ペタン)豫備軍集團司令官「米休勒」(ミシュレ)北方軍集團司令官「弗蘭西、特斯別勒」(フランシエー、ドスベレー)諸將軍與會會議結果經大波蘭後遂尊重「尼威爾」(ニヴェル)將軍意見維持其面目決定實行攻勢今依諸情報窺其會議內容大概如左陸長潘魯偉(パンルヴェ)氏意見則以爲現在情狀若取攻勢頗有戒心所持理由如次

今者俄國形勢革命結果其前途不可測聯軍實重受痛擊補救之途惟有美國加

入聯合國例實現參戰始可迅速以如斯狀況英法軍尙企圖如「尼威爾」(ニグエール)將軍計畫之大規模攻勢其失敗也即可左右戰爭之運命是果有爭此投機勝敗之必要乎蓋如斯攻勢吾人須於後日可操勝算時期始決行之彼投機企圖不能信爲適當也

總司令官「尼威爾」(ニグエール)將軍則排斥陸長意見以現在形勢除速取攻勢而外不能認爲更易之法且迄今日欲獲先制權經幾多決議及要求竟置諸不論而出以退守決心殊爲情勢之不可能也總揆「李博」(リボー)氏亦見形勢不穩擊案贊成攻勢

然「尼威爾」(ニグエール)將軍對陸長所要求說明之會戰計畫及會戰經過之豫想則謂此等計畫雖以周密注意尙易漏洩又依會戰準備行動我之企圖易爲敵知即對軍司令官亦一不能相告乃拒絕此說明而將關於會戰一般方式大概說明如左

會戰之際必須將全兵力統一使用是應如己所欲指導會戰俾敵爲從屬自立於

註 尼威爾將 三月十六日 在俄使法 國軍事使 節一加南 節一加南 軍於四月 初或中旬 以俄軍之 一般攻勢 要求亞 歷色夫 一(アレキセ) 軍似因事 實但爲形 勢惡化與 俄軍之計 隊迅速歸 影還歸池

作戰上主動地位也觀過去諸會戰如「亞爾頗亞」(アルトア)「夏堪柳」(シャンパーニュ)「松母」(ソナム)諸役概於某時期使敵線發生罅隙收得重要成果惜豫備隊位置過於遠隔或攻擊正面失之狹小遂至不見所期之發展而止故限制目的局限目標之會戰非排斥之不可蓋如是則戰鬥不過至半途而止也余如拿破崙所言我若不得七分勝利之公算無求爲戰鬥之企圖但如所謂全然不含危險者固不在言明之列也

又予所與一般方針在取攻勢是因聯合國政府判斷對德軍在有利情況故吾人終非遂行之不可試觀現在聯軍情勢俄國陷於無政府狀態乃爲事實吾人更不能冀其協力然此數月間單獨媾和刻下東戰場之德軍全部或大部現出於我之正面殊可勿慮又美軍參加聯軍之側固爲確實然必待美軍參加以終決年內戰爭此種希望亦不可存更若意國今方憂慮「脫能其讎」(トレンチノ)方面之攻擊雖一兵一砲亦難抽出以相援却非由法軍努力牽制德軍於西戰場難保意國之確實也

駐尼威爾將 軍要求喀 喀多魯那 軍於四月 中甸前以 意軍在伊 伊松浦(イソ 攻勢(カド 多魯那(カ 意軍今正 於(カド) 其難(カド) トソソ) 敵脅威乃 回答非法 軍成功確 實不能先 對(イソ) 浦(イソ) 方面

要之現在情況意俄兩國尙能牽制敵於其正面且在可能範圍猶克盡最大之努
 力至敵減少東戰場兵力已爲事實此後之不利當益增加終至吾人爲德軍所攻
 擊其不利將達於極點也

總司令官終持秘密主義避計畫之說明於是大總統希望於將軍曰可否令列席本
 會議各軍集團司令官開陳意見將軍承諾之各軍集團司令官次第有所陳述就中
 以豫備軍集團司令官「米休勒」(ミシュレー)將軍稍示反對色彩中央軍集
 團司令官「別丹」(ベタン)將軍仍似主張制限攻勢之目的及目標其理由大
 概如次

今次會戰決不能謂爲有利狀態即我砲兵力較之「松母」(ソム)會戰尙
 爲微弱也火砲在「松母」(ソム)之役爲七十米一門之比今則在突破正
 面爲八十米一門之比彈藥則前者爲每米千二百今不過千甞而已果以優勢
 砲兵力爲必須條件之會戰則以上數字斷不可輕視也

又關於軍之行動若會戰中以第十軍插入第五第六兩軍之間是項計畫其實行

企圖攻勢
遂至完全
之提攜暫
難如願

上果無困難乎此方法不兌起大混雜屢有經驗就中如十五年九月「香檳里」
(シヤンパーニユ)之役是也抑使此等後方兵團前進倘值方法及道路缺乏
之際即失加入時機形勢轉陷於危殆今者此等設備如輕便鐵路之新設與「壞
斯」(ランス)幹線之連絡等究竟完成否耶

今次擬突破數個陣地帶之會戰以砲兵及彈藥推進迅速爲緊要如或不能即與
敵以時間之餘裕對我可以從容應付此等準備倘值天候不良之際能毫無遺憾
否耶

總司令官見陸長對已反對更加次級者若干反對是以證明對已信任薄弱侵害統
帥之自由與獨立者甚大遂表示辭意放棄迄今日止同與國所準備之攻勢由是擾
亂協調讓出先制權或至敵攻「壞斯」(ランス)亦所難保此種責任希望不使
擔負而已

於是席上猝起喧囂大總統總揆陸長諸氏均明言政府對將軍有完全信任以撫慰
之「尼威爾」將軍乃取消辭意卒負關於作戰全責決獨立自由行使統帥職權

要之該會議雖似滿場一致贊成攻勢不過不強硬主張攻勢延期實非中心之所願也其中尙有保持反對意見者亦不可不知

所見 政府及軍中意見不一既如前述以此狀態臨於決戰未免有不自知之消然一般情況就中如德潛水艦脅威仍若要求遂行決戰毫無變更決心之理由故爲法軍者應速除內部動搖以堅強旨趣加入會戰實目前最大急務也職是之故煩大總統親臨固爲當然之事原期爲法軍齎得良好結果特觀其經過陸長與總司令官意見相左至公開於次級諸將軍俾諸將軍決心益見動搖傳聞諸將軍處政府與統帥部之間不能爲左右袒由軍事上觀察與其他觀察究以何者爲重無所適從即希望會戰則乘政府之意圖希望會戰延期又反乎總司令官之意旨也

如此會合其目的上根本過失勿庸多言特大總統須先召見陸長與總司令官調停兩者意見基其決定以統制諸將軍意見想與此類似之件將來在日本亦有發生機會但如是項劣會合應斷然避之也

第十一、法軍攻勢（步兵）開始延期

法軍豫定之攻勢開始日期爲四月十二日當時連日降雨致會戰準備及實行上受不少妨害至有延期以俟天候回復之必要然英軍攻勢已將開幕其計畫正在實行不欲中止四月五日英法兩軍總司令官會於「孟即即野」(モンヂヂエー)協定進行決定英軍以四月九日開始攻勢法軍以四月十四日開始攻勢然在法軍至攻擊準備最終日其第六軍司令官「滿獎」(マンジャン)將軍以攻擊準備未完爲理由更要求若干延期乃更開軍集團司令官會議英軍總司令官「黑固」(ヘーグ)元帥亦列席決定法軍攻勢延期至四月十六日午前六時

第十二、法軍攻擊計畫洩洩

據捕虜之言及携帶書類等致攻擊計畫爲敵所豫知各國俱不少其例聞本會戰前法國第五軍某營於四月四日遇德軍攻擊一下士所携帶營攻擊計畫被敵奪取是本會戰觀察上不可輕視之點也

法軍總司令官早聞此事四月十一日發訓令如左

關於第一線上不可携帶秘密書類屢經訓示乃某營長交付第一線以軍團及鄰接

軍團以下任務之戰鬥計畫此等計畫一被敵軍所奪即爲察知我全軍行動之有力材料總司令官對該師長等已嚴加戒飭矣

此等過失將我攻擊大部分適時暴露於敵致導我攻擊失敗之危險者頗大各將領務令部下銘心勿忘爲要

抑營攻擊計畫如本文所云者可謂違背千九百十六年一月八日須行小部隊攻擊戰鬥教令及九月二十七日命令附錄所示如以確保協同動作目的必須知悉一般行動者除筆記書類緊要不可缺者外禁止攜帶其他認爲必要之所有指示亦以嚴密之法由口頭下達之

以上過失頗爲法軍所遺憾然今也完全變更攻擊命令已非其時故八日以來專逆用敵之竊信傳遞虛報及迅速會戰以救之於全般計畫上不至有何等變更在苒遂及四月十六日攻擊開始之期焉

所見 此事不過大戰中一例就爲上級者示其計畫於下級者時機及其筆記攜帶之事教以深切注意同時逆用敵之竊信傳遞虛報等法亦不可第間視之反之迫戰役間

爲獲各處實施之捕虜有行小奇襲之必要其他由敵死傷者携帶前蒐集情報亦爲切要之件至關於此等秘密保持與戰線上情報蒐集之法固當本乎戰例特加考究者也

第十三 四月十六十七兩日戰况概要（參照附圖第五）

四月十六日 四月二日以來歷十五日長期準備砲擊後法豫備軍集團冒雨於十六日早由「壞斯」(ランス)北方亘「亞竦」(アツソン)北方約四十料正面一齊開始步兵攻擊未幾第五第六兩軍奪取德軍第一線陣地全部第五軍更於「九夫安克爾」(ジユヴァンクール)方面突破約亘四料正面德軍第二線陣地爾後德軍抵抗強大並有多數機關槍類施逆襲頓令攻擊進行有所阻礙損害遂致過多未如豫期之發展而止至第二線軍之第十年是晨任突破之擴張其先頭通過「耶奴」(エーヌ)河但因第一線戰况未能如意亦惟有停止而已

四月十七日 屬於法中央軍集團之第四軍是晨新於「陶別利烏、布里友列」(オーベリイグ、ブユネー)間約十五料正面開始攻擊殆奪取德軍第一線陣地大部其一部更突入德軍第二線陣地爾後攻擊並無進展豫備軍集團雖續行攻擊然因

德軍抵抗益增強烈未獲大成果遂至會戰第一第二兩日經過全反所期今欲達成目的頗屬疑問也

第十四 四月十七日夜限制會戰目的（參照附圖第五）

會戰第一第二兩日成績既如前述不副「尼威爾」（ニヴェール）將軍所期待者甚大將軍於此已自覺欲達所期目的頗爲困難仍繼續攻擊但決計限制今後會戰目的先擴張兩日中所得成果改善從來戰線以便將來攻勢並改善「壞斯」（ランズ）方面形勢十七日夜關於此事新爲區處如左

一、豫備軍集團極力奪取「耶勒脫」（エーレンツト）河南方地高地帶並指導第五軍重點於東北方進其地步準備將來攻擊由是各軍應服左之任務

第五軍

a 在「耶奴」（エーヌ）南岸則自「浦利孟」（ブリモン）亘「耶奴」（エーヌ）河畔占領「休伊浦」（シュイッブ）左岸分水線準備將

來與第四軍策應作戰

b 在「耶奴」(エーヌ)北岸則占領自「休伊浦」(シコイツプ)河口附近經「九夫安克爾、可魯布尼」西北方「休夫爾」西北方(シユグアンクイル、コルブニー、シエヴル)巨庫拉翁奴(クラオンヌ)之線準備將來突破「路西亞鉄魯」(ヌーシヤタル)巨「威友、拉翁」(グイエー、ラオン)之德軍正面

第六軍

a 掩護軍集團主攻擊方面左側

b 完全奪取「夏翁魯、夫羅亞孟」(シヤグオンヌ、フロアモン)農
厦線以東之「耶勒脫」(エーレット)南岸諸高地以堅固其地歩

二 新配屬第十軍團(三師)於中央軍集團令其斟酌情況援助第四軍前進
由是現之四月十七日夜以來法軍殆放棄前所堅持向「拉安」(ラオン)方向迅速果敢之突破企圖今僅以占領「耶奴」(エーヌ)北岸要線改善「壞斯」(ランス)方面形勢爲附屬目的而已

第十五 四月十八日至二十二日戰況概要（參照附圖第五）

十八日第五軍占領「威爾、阿、坡」（グイール、オー、ポアー）及其附近而「浦利孟」（ブリモン）高地前面直抵「庫爾西、羅亞烏爾」（クルルシー、ロアーグル）間鐵道線之外戰線並無變化第六軍進至「窪茲、耶奴」（オアーズ、エーヌ）間運河及「刺非爾」（ラフオ）（ラフオー）兩方面概經「浦勒耶、安、拉翁儺亞」（ブレイエー、アン、ラオン）運河隧道南方入口「哦斯帖爾、烏伊里、昆德」（オステル、ゲアイリー、ユンデ）附近巨「拉弗哦」（ラフオー）南方成V字形戰線俾敵非將「昆德」（コンヂ）附近突出部撤退不可第四軍雖攻略若干敵陣地不見大進展而止

十九日 第五軍不見有顯著成績對「斯榜」（スバン）高地「薩比流爾」（サビニエール）高地「庫拉翁奴」（クラオンヌ）所企圖之攻擊亦大體失敗而止第六軍則乘「窪茲、耶奴」（オアーズ、エーヌ）間運河「拉弗哦」（ラフオ）間敵之撤退進至「浦勒耶、安、拉翁儺亞」（プンイエ、アン、ラオンノ

ア)經「耶幾」(エーシー)巨「拉弗哦」(ラフオー)之線於東方占領「耶爾脫比斯」(エールトピース)爭奪「色爾尼」(セルニー)之一部由此效果第十軍始於是日插入第五第六兩軍間於「庫拉翁奴」(クラオンヌ)「耶爾脫比斯」(エールトピース)地區與第五軍交代第四軍亦前進若干占領「阿別利烏」(オーペリーウ)

二十日 天候益不良戰况大概鎮靜二十一日天霽英法兩軍再興攻擊戰况仍未發展於是戰鬥性質有變爲消耗戰之感

第十六 關於再興攻擊之決心 (參照附圖第四第五)

當時英軍按法軍協定已於四月九日晨以來在「耶南、幾烏安喜」(エナン、ジグアンミー)間約二十杆正面開始步兵攻擊巨於全線突破德軍戰線最深達六杆餘占領「務伊米」(グイミー)高地一帶十三日以來將攻擊正面延長至北方「羅」(ロー)附近於「斯喀爾浦」(スカルツ)河北更平均進出二杆爾後德軍抵抗強大且各處俱受猛烈逆襲遂自十五日晨以來戰况一般歸於鎮靜

法軍總司令官以法軍攻勢進展如前所述此時賴英軍策應之努力殊爲切要二十一日夜在法軍總司令部傳達如左要旨之通報於英國軍事委員長「威爾遜」(ウィルソン)將軍

作戰停止不可不避務望速行再興至英軍任務在以大規模攻勢俾法軍作戰有利當此協同作戰英軍協力之效果非與敵以一大脅威牽制其重要豫備殊難表示協力之實也是故英軍所應努力者在決行突破「克安」(ケアン)「多羅庫爾」(ドロクール)間敵線迅速果敢向「喀姆浦勒、白耶」(カンブレ、ツィエー)線前進

嗣「尼威爾」(ニヴェール)將軍與豫備軍集團司令官中央軍集團司令官第四軍司令官協議後二十三日關於法軍以後攻勢發如左要旨之訓令爾後作戰目的如次

一、第四第五兩軍以協同攻勢擊退「壤斯」(ランス)前面之敵

a 第四軍則擊退「莫隴隈頁」(モロンガイエー)高地北部西北部之敵

(註第四軍領有「莫羅隈頁」
(モロンゲイ)高地之頂)

b 第五軍則奪取「浦利孟、斯榜、薩比流爾」(ブリモン、スパン、サ
ビニユール)諸高地

一一 第十、第六軍以協同攻勢確實占領「休滿、德、大母」(シユマン、デ
、ダーム)高地

c 第十軍則奪取「庫拉翁奴」(クラオンヌ)北方東方「烏哦苦勒」(ウ
オークレー)頂界線及其前方林端且以攻略「九夫安克爾」(シユグ
アンリール)巨「可魯浦尼」(コルブニー)敵陣地之目的令該方面第
一線前進

d 第六軍則巨「休滿、德、大母」(シユマン、デ、ダーム)高地帶行
動

第十七 內部軋轢

法軍總司令官今雖全變會戰目的仍取續行攻擊之決心特當時法國內部則見會戰

結果顯與預期相反其失望之態殆欲罷而不能加之巴黎市中自會戰第一日夜以來德國間諜與平和論者同其論調盛傳戰事不利流布悲觀與捏造之風說至使世人信法軍攻勢以莫大之死傷終於失敗於是一部人士非難之聲漸高謂防止如斯慘澹之流血政府應努力停止會戰又謂諸將軍致生如此極大死傷應處罰之政府部內亦若佈滿不安與憂慮之空氣也者

當此之時偶有第十軍被召之一議員「伊巴爾奴、喀勒」(イバルヌ、カレ)氏所行反對運動更足引起政府側之恐慌大總統「博安喀勒」(ボアンカレ)氏突於四月二十三日干與作戰即大總統據「伊巴爾奴、喀勒」(イバルヌ、カレ)氏進言通報總司令官以對「庫拉翁奴、烏哦苦勒」(クラオンヌ、ウオクレー)之攻擊日期爲不適常總司令官則辯明進言者全爲讒誣中傷未幾此問題告一段落然如斯進言既起自軍中政府復由是而爲不謹慎之干涉是足使總司令官指揮大感困難矣今記其顛末概要於左

粵稽法國開戰時召集軍中議員約達二百四十名彼等既在軍職復保有議員權利

以軍人資格固應服從軍紀然以議員資格則隨意歸還巴黎齋各種情報隱然有監視上級諸將軍之觀軍中含有如此異種分子利少而害多固勿論矣今由「伊巴爾奴、喀勒」(イバルヌ、カレ)所演出者即其害之一例也

氏在十六年四月之交配屬於第十軍第十八軍團參謀部該軍團今受攻略「庫拉翁奴」(クラオンヌ)任務四月二十二日氏還巴黎見大總統以第十八軍團長「西爾斯、學頁」(ヒルス、シヨイエ)將軍之代理同時爲該軍團官兵全體代表進言今次再攻「庫拉翁奴」(クラオンヌ)「烏哦苦勒」(ウオークレ)高地帶時在最高指揮官所指定攻擊日期以前我砲兵準備尙未充分且如第十一軍團彈藥顯有不足以此狀況再興攻擊不能獲何等成功徒傷多數人命而已以上乃於該攻擊失敗明白之先與任實行諸將軍就中與第十軍司官「即友謝魯」(ヂュシエヌ)第十八軍團長「西爾斯、學頁」(ヒルス、シヨイエ)兩將軍熟議之結果也

於是大總統「博安喀勒」(ボアンカレ)氏大爲憂慮適陸長「潘魯偉」(

パンルエー）氏視察戰線大總統乃於四月二十三日以電話通報總司令官「尼威爾」（ニケエール）將軍述其懸念之意并謂對「庫拉翁奴」（クラオンヌ）「務哦苦勒」（ゲオークレ）之攻擊再興由實行者指定開始日期認爲過早而不可能且砲兵準備頗不充分任作戰軍團之戰鬥力亦甚感不足云
大總統發以上通報後午前十時臨戰爭會議述其所取處置得滿場一致同意是晚陸長亦歸巴黎贊同大總統處置

總司令官「尼威爾」（ニケエール）將軍接受右之通報見軍中對已起反對運動極痛心其違背軍紀於四月二十三日夜對大總統發如左要旨之回答

一、總司令官訓令其決定攻擊再興日期蓋委之各軍集團司令官也故各軍集團司令官應自行決定步兵行動開始日期矧行動開始殊以砲兵準備能否充分達成目的由彼等自行判斷後開始之者也

二、大總統電話通報中砲兵準備不足第十一軍團彈藥不足等語究係何人爲何進此言乎殊難索解以無根據無權利之情報大總統何竟輕於採用乎此實深

爲遺憾者矣

三、總司令官在此情態之下欲實行指揮實不可能此等違反軍紀之行動者應處以嚴罰對第十軍司令官第十八軍團長應有所訊問若兩將軍者不問理由若何既爲犯此軍紀之人即應俱罷免之

於是總司令官「尼威爾」(ニケェール)將軍立至第十軍第十八軍團第六軍各司令部將前記情事有所質証更對大總統呈左之報告

一 會見參加攻擊「庫拉翁奴、烏哦苦勒、休滿、德、大母」(クラオンヌ、クオークレー、シユマン、デダーム)之第十軍司令官第六軍司令官第十八軍團長此三將軍關於擔任攻擊日期俱言絕對未受指定且不認有彈藥不充分之事並報告將其要求全部滿足受領最後諸將軍開此次事實俱異口同音不勝憤慨

二 要之諸將軍協同準備作戰且攻擊開始日期仍由彼等自行決定可以見矣

三 爲對在大總統前行譏誣中傷之輩施行懲戒須給總司令官以處罰權

但「尼威爾」(ニケール)將軍今雖保持總司令官名目而在政府地步頗爲薄弱故其要求未得大總統裁可矧「伊巴爾奴、喀勒」(イバルヌ、カレ)氏未受由何人託爲斯言之訊問此事件卽歸於無何有之鄉大總統惟對總司令官通報第十軍司令官第十八軍團長與此事件無關而已

「尼威爾」(ニケール)將軍因大總統干涉知反對於己者不惟在軍之背後即軍中亦有之然仍排除周圍困難俾第一日所獲成功歸於確實努力達其目的參與此事諸軍遂著著爲攻擊再興之準備焉

然至四月二十五日更來陸長干涉緣陸長誤信他之報告對「浦利孟」(プリモン)之攻擊以爲非將至多人命付之犧牲不可是日在巴黎召致總司令官於總揆列席之下陳述延期攻擊「浦利孟」(プリモン)之希望總司令官強硬拒絕決心毫不爲動兩者所述意見如左

陸長基乎所聞謂攻擊「浦利孟」(プリモン)非將六萬人生命付之犧牲不可對「浦利孟、斯榜、薩流爾」(プリモン、スバン、サビニユール)諸高地

之攻擊希望由一般攻擊中分離讓之日後舉行總司令官「尼威爾」(ニウエール)將軍則以爲如是豫想死傷之數果爲何人之言乎此種情報毫無根據殊無一顧價值且新攻擊時期已迫關於變更殊無效慮之餘地

緣陸長「潘魯偉」(パンルケエー)氏所謂對於攻擊「浦列孟」(プリモン)之豫想死傷數乃誤解第五軍司令官「馬則爾」(マゼール)氏之說明未幾即明瞭矣即五月一日「馬則爾」(マゼール)將軍曾受陸長對「耶奴」(エーヌ)南方戰鬥必需幾何兵力之質問答以對「浦利孟」(プリモン)需一軍團對「斯榜」(スパン)亦需一軍團其兵力殆爲六萬特所謂六萬數字非指死傷而言如是則屬之未曾有之事矣

陸長「潘魯偉」(パンルケエー)氏似不滿於總司令官「尼威爾」(ニウエール)氏前記之意見更於二十六日在巴黎招致英軍總司令官「黑固」(ヘトグ)元帥於總揆同席之下交換意見然「黑固」(ヘトグ)元帥主張亦頗強硬力陳有繼續攻擊之必要故總揆及陸長不得已而聽從之兩者會見內容大概如左

陸長謂四月十六日以來法軍死傷數頗多死者達二萬五千負傷至九萬五千今也最後兵力極爲減少處此情況之下尙有繼續戰鬥之必要否耶「黑固」(ヘーグ)元帥答以英法兩軍殊在法軍前面消耗德軍最良最大兵力今所保持新銳師數或不能超過十二較之聯軍顯爲劣勢欲收以前所供犧牲及努力之良果恰在此時且爲不與德軍以再振兵力之猶豫故有繼續戰鬥之必要於是陸長「潘魯偉」(ハルルグエー)氏亦告以法國戰爭會議於作戰計畫大體未加變更仍爲繼續會戰之意「黑固」元帥言當通告於英國政府而會見以終

政府與統帥部意見相左既如前述然表面上仍似實行總司令官決心爲不可動搖者由是總司令官巡閱諸軍四月二十七日電達巡視結果於陸長謂各處志氣保持良好諸將軍俱確信成功彈藥及其他器材並無不足且以第五軍主要目標之「浦利孟」(プリモン)攻擊應歸「盟習禮」(メッシニー)上校(前陸長)握任其諸隊長對陸長先所指示之死傷豫想數俱爲之一驚蓋以今所使用於該地點兵力不過爲其十五分之一故也其文意殆明示與陸長軋轢之跡並於電報外以文書詳報之又

言攻擊當以五月一日開始若情況所需則從諸師長希望有爲之延期者且決定此日期非總司令專斷由各軍司令官鑑於攻擊準備狀態協商以定之者也此外關於「浦利孟」(プリモン)之攻擊再行聲言參加攻擊該正面總兵力爲二十七營(步兵一萬五千)其中攻擊「浦利孟」(プリモン)者不過七營而已云(四千弱)

然此際政府對總司令官「尼威爾」(ニケール)將軍空氣益爲險惡總揆「李博」(リボー)氏亦表示與陸長有相同態度由是總司令官罷免問題已由陸長提出於四月二十五日戰爭會議當被多數否決暫行中止總揆亦尙似持曖昧態度據開總揆實與陸長意見相同之特以當時「尼威爾」(ニケール)將軍於戰爭會議議員及其他國務員中尙有強力後援且知其在下院亦有如白里安氏之有勢力者爲之支援不惟此也殊以英國側對將軍之同情不能度外視之倘急令將軍去職不惟起同僚反感且及惡影響於聯軍側至令對於法軍攻擊繼續之意圖及十六年十一月「向其里」(シヤンチー)會議軍事協定履行之精神均將有所懷疑故加以考慮未敢表明態度及陸長二十七二十八兩日由第五軍司令部歸來後再提出罷免「尼

威爾」將軍改任「別丹」(ベタン)將軍爲東北方軍總司令問題於戰爭會議仍有數氏反對與二十五日同總揆亦持慎重態度提議延期尼威爾將軍遂繼續留總司令官之任然二十九日午後五時陸長對總司令官以電話通告左之要旨

一、本日任兵「別丹」(ベタン)將軍爲總參謀長

二、國務會議決定中止「浦利孟」(プリモン)之攻擊

在第一項因爲一時便法對「尼威爾」(ニウエール)將軍問題尙未解決也特「別丹」(ベタン)將軍早晚將任總司令官極爲明顯「尼威爾」(ニウエール)將軍既豫知之頗立於不安地位至第二項則明爲不當干涉且據傳聞爾後五月十一日戰爭會議多數國務員如「勒翁、浦爾覺亞、竊利、馬幾儼」諸氏言明在國務會議關於「浦利孟」(プリモン)之攻擊未曾議論實陸長陰假國務會議之名強行本人意圖之實也

由是「別丹」(ベタン)將軍新就參謀總長職爲陸長輔佐四月三十日與「尼威爾」將軍會見協議繼續攻擊之事對於實行總司令官豫定計畫亦成爲問題而「浦

利孟」(アリモン)之攻擊竟與此分離矣

所見 大總統容喙陸長干涉可謂全入於會戰計畫內容前者屬於一部攻擊開始日期問題後者屬於一部攻擊地點問題此純然侵犯統帥範圍難容許者然自戰爭指導方面觀之其所與統帥部之作戰大方針即決戰明歸失敗應速定以後之大方針即為將來再起務愛惜戰力並為鎮撫此次失敗一般精神界之動搖此後應避甚大死傷是也苟認統帥部計畫有反乎此大方針者則應速為處置職是之故明示今後大方針俾統帥部指導適與此合之作戰殊為切要也至其內容應如何計畫則全屬統帥自由一任統帥部按當面情況適宜決定之大凡戰爭之指導與統帥其限界動輒不明故參與戰爭指導機務者易於不識不知之間掣肘統帥之獨立自由或有侵犯統帥範圍之危險者當局者不可不猛省也

第十八 精神界動搖

由會戰結果之失望益以德國間諜國內和平論者暗中飛躍不諳事情者於誤報與真相不能辨別上下兩院議員等亦視今次會戰為未曾有之殺戮戰殊以死傷數因衛生

勤務不整理有二次重複三次重複之誤算遂呈可恐之大數而受非常之感動議員若干提出質問總司令官在議會之信望殆全歸於失墜也

在巴黎陰險之運動其勢益張嗾使逃亡與不軍紀之普傳波及戰線加以統帥之不振兵卒對於上官信念態度頓生惡化不但軍中漸呈不良朕兆甚至一部將有暴動勃發之現象

其他足以助長兵卒不平之一因者即法軍指揮官於使用部隊上有失勞力與給養之調和是亦未可輕視也如某軍團五閱月以來唯服第一線勤務又參與四月十六日戰鬥之某師十六年十二月一日以來未與以休息是其一例也此等兵卒申訴在戰線者與在後方者境遇之懸差誠以彼等常從事於戰鬥間而在後方同袍殊無暴露敵彈危險一日竟得十五至二十法郎豈能默爾而息並大乎放任如是之不公平者政府及議會之責云

如此情形不惟軍之精神狀態顯著低落即後方對統帥非難之聲亦高盛稱指揮官無能及有嚴重制裁之必要既有此等無形上困難則今後作戰遂行殆有不可能之感誠

屬法國之隱憂也茲示當時配布各處之危險印刷物一二於後

國民乎所謂力者諸君是也其勿忘歸省休息俱不之與吾人早已進言矣
戰爭何也殺責任者今其時乎諸君乃人也應示非如毒蟲之可殺戮者

以上略記軍隊惡化情況特供讀者之參考

當時軍隊方面關於「尼威爾」(ニケール)將軍之危機其詳不可得而知但無形中亦感知其消息即兵卒初見攻勢中止嗣雖見有再興準備更不現諸實行此等徵候不特令兵卒想像其上級有何不如意之點即爲彼等長官之諸將軍亦不知其應爲之其遲疑遼巡態度致令軍隊信用薄弱良非淺鮮

然則軍隊并不知總司令部之權能被政府掣肘未若霞飛將軍當時統帥之自由獨立也一以爲「尼威爾」(ニケール)將軍所爲致招今日之混雜也者

巴黎政府如是牽制總司令官致生重大結果且後方諸種流說迅速波及有害之影響於第一線緣當時戰場與內地因郵件與歸省兵卒往來通信不斷此次攻擊繼續間即有甚多書簡傳巴黎市內風聞於塹壕內而且此等情報由歸省兵卒或通過巴黎或滯

在內地或於軍用列車中或在停車場中聞諸人言遂爲誇張之報告至益証明爲事實也

此等不利風說不僅在攻勢開始以後即在以前已由一部不良分子爲之普傳如左所記十七年二月二十八日總司令官對陸長報告足以證明其事實並有可爲參考之價值

由目下平利論者所行如次事實已通報於內長但總司令官爲維持軍隊健全精神主張有取嚴重手段之必要且關於防止此事更增有效之件尤所望於陸長並所望於內長者也至軍隊中平利論者之普傳事實尙有各種大概如左

一、有害之印刷物 短篇小說小冊平利主義之報紙自一年餘前即傳播於軍隊目下尤爲盛行現今十五日間禁止之數超過十六年三個月間扣留之數此等短篇小說全爲文學家國際關係復興會組合自衛同盟金屬商組會小學校教員聯盟無政府黨等所發行或就現戰爭之正義上懷疑念或偏袒德國側謂勝利爲不可能且值現下煤炭缺乏生活困難主張即對決定平利此皆含有最不良助言

與最危險指示即如一冊子敘述怠業實行法炸彈製造法其滅殺軍隊攻擊精神沮喪志氣者實大也

二、歸有兵卒所傳惡影響 歸省中若干兵卒臨地方集會由組合長及無政府黨員鼓吹平和主義歸還第一線後述其所聞於戰友

三、軍中不良分子 有若干兵卒與普傳主謀者運結此兩者間往復函件授受報紙短篇小說等類且傳播之此等事實可確認也又若干兵卒自進而向主謀者提倡共產主義就中如「塞巴斯其安、弗俄爾、盟爾哈因、友別爾、別里喀、亞斯非爾脫、布利翁、米寫利亞可夫」(セバスチアン、フオール、メー
ルハイン、ユペール、ペリカー、アスフェルド、ブリオン、ミシユリア
コフ)等爲最有力之主謀者

四、聯合軍中不良分子 主謀者勢力有浸潤及於聯合軍者即比之兵卒與「塞巴斯其安、弗俄爾」(セバスチアン、フオール)通信且傳播其著述俄之兵卒則要求「米寫利亞可夫」(ミシエリアコフ)送「那其雅羅」(ナチヤロ

（革命新聞）

五、主謀者活動 主謀者中之「盟爾哈因、塞巴斯其安、弗哦爾、友別爾」（メルハイン、セバスタアン、フオール、ユベール）三人行動最爲激烈由彼等致通信員函定於五月一日行一平和主義大運動勞動者遂準備動搖之運動如此事件見諸事實軍隊精神遂受大激刺矣

六、職工動搖 如前一月二十五日致陸長函所陳職工紛擾戰時工場同盟罷工被召集者參加此種爭論等情形其可悲影響足以波及第一線至於左之事項尤須注意

1. 被召集者爲同盟罷工之同僚以釀金援助之
2. 被召集者於某處特於「浦爾糾」（ブルジョ）自行組成同盟
3. 彼等就業兵器製造所之一部有熱中平和主義之普傳者
4. 在政府諸建築物內即工場中關於記述徒費時間低下能率製造拙劣成品等事傳布小冊或平和主義之報紙又有公然販賣之者

5. 此情勢有傳播於「浦爾糾、巴黎、布友奪、大爾布、仔隴、仔爾茲」
(ブルジエ、パリ、ブユト、タルブ、ツロロン、ツールーズ)者
6. 又此情勢殊有波及「賽納」(セヌ)「本爾脫、毛曾」(ムールト
、モーゼン)兩戰用工場者

7. 金屬商組合及其秘書「盟爾哈因」(メルハイン)職工等之教唆拒絕
兵器部長修正價格表新有同盟罷工之準備

8. 現值「煤炭」危機及若干戰時工場休業(缺煤之故)而「喀勒」(カ
レ)海峽附近主謀者尙決議縮短勞動時間

七 對於耕作反對運動之影響 今者生產力不足不惟各種制限之法不可不講
且耕作需用新工之內「亞利耶」(アリエ)「瀉爾」(シエール)諸縣竟
起耕作反對運動足使戰鬥員大爲憤慨也

由以上各節觀之予爲總司令官於斯有所建議(一)由印刷所扣留短篇小說
(二)禁止實業問題以外之集合(三)驅除俄國革命報紙「那其雅羅」(

ナチャロ）（四）防過「塞巴斯其安、弗哦爾、馬爾哈伊喜、友別爾」（セバスチアン、フォール、マルハイシ、ユベール）及其他十二名煽動者之行動（五）滅絕平和主義者之普傳（六）恢復軍需製造場兵器製作所等規律爲極緊要之務

然政府對以上建言實行至如何程度頗爲疑問是因總司令官建言之時適值陸長「李樂庭」（リョーテ）氏赴英迨其三月六七日歸法又在議會爭執航空問題至十六日卒以此問題爲起因致白里安內閣解散陸長曾將此要求各件提出國務會議與否因爲疑問且其實行有與內長「馬爾偉」（マルグエイ）氏從來政策不能相容者即令內長對「塞巴斯其安、弗哦爾」（セバスチアン、フォール）等之態度一變出以強壓手段而在當時基礎薄弱之政府果克斷行與否殊不可知也

爾後即爲「李博」（リボ）內閣政府權力毫未增加殊以總揆李博氏寵用內長「馬爾偉」（マルグエイ）氏並與新陸長「潘魯偉」（パンルグエイ）氏有極左黨之關係且由私人感情問題認「馬爾偉」（マルグエイ）氏爲勞働社會代表人物對

此諸人士加以迫害殆不可能也

政府態度如斯故在後方之普傳自由伸張波及第一線遂達破壞軍紀之結果如四月十六日以來之攻勢間由後方傳來誤報所以激動士氣者實較他種多數書簡所及之影響尤大也於此短期間俾軍隊之精神變化志氣沮喪且引起動搖之蜚語充滿戰場致掩蔽部舍營地各處俱爲秘密會合由是兵卒對上官之態度一變之軍官與彼等接近甚至有趨而避之者

政府對此不良傾向或斷然更換不滿意之諸指揮官或講求增大信用之手段實爲必要然「李博」「潘魯偉」(リボー、パンルヴェ)政府一面決定罷免「尼威爾」(ニケール)將軍並由政治外交上事件俾其實行荏苒延期頗以不徹底狀態經過三星期之長時日遂及於五月十六日此間總司令官僅保持其名目而已政府不之信用殆已盡人皆知蓋先擊肘總司令官之行動次以「別丹」(ベタン)將軍監督之情狀極爲明顯也

在如此輕視之指揮官下希望其軍紀嚴正是猶緣木而求魚也煽動者之活動乃漸次

擴張其始也以周到注意對僚友中可以說服者按名誘說繼至四月十六日以來由各人對於小集團開始稍公開之普傳更至五月初竟公然從事煽動今則軍隊情況若加以開始軍事行動之要求恐不免引起反抗運動幸而四月十八日以來迄五月二日未經何等變異直至五月三日果開騷擾之端即殖民步兵第二師受領明四日對「休滿、德、大母」(シユマン、ザ、ダーム)北方之攻擊準備命令於舍營地貼布標語爲妨害軍隊前進之煽動並有若干人大呼戰爭何也「殺責任者」等過激之言就在該師一團中之多數煽動者甚至宣言「吾人僚友在不冒敵彈危險之軍需工場每日竟得十五至二十法郎處此不公平境遇中吾人已不欲戰鬥」等語幸該師軍官努力善爲統制俾戰鬥繼續期間仍保持勇敢之行動

爾後會戰按與英軍之協定於五月四日再興以後二星期間約得小康但法軍今日若蹈俄軍不名譽之覆轍者五月二十日以後至六月中旬發生事件如左

一、在第三十二軍團之師補充隊充步兵第六十二團之補充要員者集合於舍營地道路上闖入補充隊長住所搜索家宅(但未行鎗劫)適隊長不在乃選定

三名委員提出取消命令之要求至翌日此種拒絕派遣之要求及於全補充隊

二、步兵第百五十八師之四營受命守備塹壕亦起相同騷擾雖以諸軍官之努力不易鎮撫兵卒等要求歸鄉且其一部爲支持其主張引證議員援助彼等之事實由是至規定出發時刻命令亦未克實現軍官下士及良善兵卒調查反抗者極力曉諭漸得出發而主謀者仍無拘束行軍間繼續煽動若干兵卒遂至離開隊列

三、步兵第十八師某營三星期前已在休息中夜半忽受由汽車送至戰線命令午後十時有若干醉兵迴旋舍營地各隊極盡喧囂且行數發射擊反對同僚出發遂有百五十名逃亡者羣向「拉、弗耶爾」(ラ、フェール)車站擬乘赴巴黎之快車幸獲阻止由多數憲兵出動送至所任之地點

四、第九師(三團)全部於赴第一線前日列隊唱歌示威且大呼准其歸省極盡喧囂之能事

五、第五師之二團亦於同日起相同之騷擾此等部隊休息已久曾許以定規之歸省突於此日公然開始攻擊政府多數兵卒口稱「妻苦於飢政府坐視不救吾人

其赴巴黎使政府知之」或謂「拒絕德之提倡媾和者政府也吾人其殺到議會」作種種喧噪之行動

六、某營亦起騷擾連呼「回巴黎」並離開舍營地乃急派胸甲騎兵包圍之迫令歸隊

七、法國有名譽軍團之一亦於舍營地休息中由極多反對者成一騷動勃發團體彼等捕其上官宣言對部下有加以強行者即槍斃之爾後對彼等不加強制遂歸鎮靜

此外似此之騷擾甚多俱見諸公報參加四月十六日大攻擊及五月四日攻擊之軍隊實有軍團十六其間雖有輕重之差但均發生徒黨不紀律之行動云

所見 法國對會戰之失望也乃必然結果此事不限於法任屬何國皆有之不過程度有差異而已若統全戰役計之反足證明法國民戰時耐久力極爲偉大此實吾人之所欽佩不置者也彼日俄戰役之日本國民其表示能力果若何乎回想由旅順攻圍戰所受民心之打擊思過半矣當時死傷視之法國此次損害殆不足道而日本國民

性缺點厥惟戰時耐久力之不足欲揀斯弊務將戰爭於可能之短期間終結是爲日本特關重要之事諸般準備非先向此點行之不可然豫想將來易與日本開戰諸國俱有持久戰之素質難保戰期不幸延長是實日本國民之必需訓練而爲大戰持續不可缺乏之要件也

次須注日者敵國例間諜及國內平和論者之暗中飛躍此恐爲各國所不能免至若近世所最盛行之普傳其效果極偉大當局者一面防止不利影響波及戰爭同時致力於正傳普當殊爲緊要又檢查內地與戰地之通信取締內地印刷品將來亦益感其必要第觀法國當局對此等措置頗爲姑息而將國家成立上弱點暴露無遺寧能免曠職之責乎殊以法政府無擁護總司令官之精神轉放任之至有助長各種不良運動之觀是誠可謂無理之尤者矣

觀日本最近數回之戰其嚴正保護軍機之事實足以模範各團然言倫欠乎節制銜新奇而類煽動近殊不尠一日有事此種言論及其發表形勢有宣布紀律之必要者頗大也茲爲參攷計將今次大戰關於外國特以自由爲國憲三大主義之一之法國其取締

言論制度之大要介紹於左

法國鑑於千八百七十年戰役未將言論拘束之大不利此次大戰自始即大加束縛屢動國民間苦情特召操觚界抗議然仍能斷行其所信終將所以緊要不得已者俾一般之人周知是實準之法國國情國民性呈異常實蹟而當局努力國民自覺亦可表示其偉大也

關於保護軍機維持國內秩序所最須顧慮者爲演說報紙圖書雜誌繪畫郵片貼布廣告照像繪畫等項觀左列法國管理此等制度之一斑足供吾人參攷之資矣

一、管理方針 開戰以來法國與發刊業者妥協方針即在發刊以前實行此項之管理蓋禁止發刊停止發行或行扣留不惟與發行業者之打擊頗大事後且令陸軍官憲與發刊業者之關係發生惡結果也

二 檢查機關 發刊物之檢查制度原起於軍事要求故由陸軍總長統轄全檢查事務在陸軍部內設發刊物檢查科主管之配置檢查實行機關於巴黎及各州縣（又要塞管區以下同）各軍港由是巴黎置發刊物檢查局由軍事外交經濟政治

各課分據事務各州縣由留守軍團管區司令官（總督以下同）掌管該事於本州縣內定期發刊之地設置檢查班其他之地則留守軍團管區司令官將檢查權限委任各兵科團隊長或地方文官軍港則由艦隊司令官鎮守府司令官軍港總督掌管之

今觀各州縣檢查事務之大概如留守軍團管區司令官則指揮地方發刊物檢查官頒示陸軍部令期其貫徹或答辯因是而起之質疑或對發刊業者要求與以指令又每受領治下發刊物及刪去之原文調查地方發刊物檢查官實行檢查之當否指摘寬大或過嚴酷之事件喚起所要注意等項是也

三、連繫報館 千九百十四年八月十三日以陸軍部令設置新聞協會代表委員會於巴黎使代表巴黎及全縣報館同時促各縣亦設新聞協會代表者令此等代表與發刊物檢查官連絡徵求關於新聞上各種事件之意見由兩者適當連絡以圖調和當局與發刊業者之關係

四 檢查主要事項 檢查原以軍事關係事項爲主目的概依戒嚴令或其他法律

所定之禁止事項然對政府議會發表激烈及牽強附會之攻擊文字或過於樂觀悲觀之虛報或有害之記事或關於戰局終決之記事或擾亂公眾之信念或令人驚恐之情報俱在禁止之列也

今舉公表禁止事項中所應注目者若干如左

1. 發表戰死者 戰死者之公示法禁止同時摘載戰死之地點及團營號數且其公示惟限於有家族請願之時蓋防止將生存軍人同為戰死而發表之也

2. 發表行衛不明者 設與前項數似之制限

3. 發表法國兵被俘者 除陸軍部公認之紅十字社兵卒通信社俘虜全國協會所發表者外禁止登報且須與前記公共團體所發表者取同一形或並附記該公共團體業經公示及其公示日期

其他由俘虜與其家屬通信未經德國檢查所得諸情報禁止揭載以維護該俘虜及其家屬

4. 艦船行動 軍艦之外即任糧秣補給之輸送艦船亦視同軍艦禁登此等一

切情報且關於商船之發表加以制令

5. 法國全國內補給法（包含被侵略地法人之給養及補給事務）

6. 豫想法蘭西銀行發行紙幣之價格 關於該証券價格低落之豫想禁止登載

7. 氣象情報 如敵國間諜有以氣象用語傳達情報之疑即禁止之公表中央氣象台之天氣豫報固無妨也

8. 德兵強奸 法律認爲犯罪之德兵強奸其他關於婦人之記事足以挑發獸性者禁止記載

9. 對政府之非難 禁止對政府公表激烈或牽強附會之攻擊文字

10. 對中立國之非難 中立國政府及其他執權者即令態度有不利於法國者亦禁以猛烈筆鋒攻擊之

11. 雜誌 特於記載千九百十四年戰役影響等與著述中立國輿論等均禁止之

12 繪畫郵張 繪畫使用中兵器及戰用材料表現法軍占領陣地兵器材料之位置補給主要地等項並唱導平和克復者均禁止之

13 關於平和之記事 通常禁止之但立論於正義及權利之見地而爲勝利之和平著述者許之

14 敵國報紙及其他發刊物 全部扣留

15 中立國報紙及其他發刊物 設置禁令

要之檢查發刊物乃出於必要與不得已但實行上欲無議論餘地律以法定規程殊爲至難試觀對於發刊物檢查之非難多由執業者側未徹底明瞭檢查處分之理由故檢查官於可能範圍務疏通與執業者側之意旨關於檢查方針規程內容與以明確指示而喚起其注意以防發生該停止刊行更爲重大事件之危險又對若干報紙加以不公平之非難多不能免而其所據則由各地認定之不同檢查官應去情實持公平冷靜而且正當以處理之對偶起之不公平事實則務迅講適當處置以避誤解惡感之發生同時爲發刊業者亦應由大局着眼立見地於國家及軍隊之利益對官

府不惜爲善意之協力是則頗有價值而且有效者也。大凡國家存亡之秋發刊業者爲國防上應與以協力同心當局亦鑑於國勢之危迫束縛刊業者一部之自由誠有出於不得已者此爲一般國民夙應銘諸肺腑者也。

第十九 關於攻擊繼續之英法會議

當時英國見法國對於攻擊之躊躇也頗地不安總揆魯易喬治氏五月三日偕多數隨員赴巴黎四日於外交部晤法當道商議關於戰爭指導問題席上力述攻擊續行之必要求法國贊同殆督促其決心之態度約言其結果英仍以全力繼續攻勢法亦協力續行政勢但今後攻勢限制目標避免受大損耗之危險茲略記會議內容於下

本會議中英國側則總揆魯易喬治封鎖大臣「羅奪、羅巴脫、塞喜爾、普魯扣馬」(ロード、ロバート、セシル、ブロックエーマ)諸氏總司令官「黑固」(ヘーグ)參謀總長「羅巴脫松、莫利斯」(ロバートソン、モリス)海軍軍令部長「則里科」(ゼオコー)諸將軍列席法國側則總揆李博(リボ)陸軍部長「潘魯偉」(パンルヴェ)勞勳部長「勒翁、布爾覺亞」(

レオン、ブールシヨア）海軍部長「拉喀茲」（ラカーズ）外交部政務長官「馬爾九里」（マルジュリー）諸氏總司令官「尼威爾」（ニヴェール）參謀總長「別丹」（ペタン）兩將軍列席

當日午前先開武官會議決定武官側意見午後提出一般會議英謀參總長「羅巴脫松」（ロバートソン）將軍代表武官側述午前之決定曰「吾人一致意見仍在西戰場繼續攻勢作戰」並說明德軍豫備隊消耗情況爲此次決定理由又痛論英法兩軍若停止努力則令四月十六日所獲利益陷於危殆德軍即得有轉用兵力於他戰場之自由同時或見興登堡鼓舞德國人心之結果完全成功其結論曰此次固可繼續攻勢然今日情況較之曩時英法兩國政府對四月攻勢同意之時不無變化吾人已放棄突破敵線之企圖攻勢惟行於近接制限目標以期消耗敵之兵力而已以上主義爲一致所採用者吾人於此深信戰鬥法與攻擊點一任諸有責任諸將軍之必要也

右之聲明爲英法兩國部長全部所贊成英總揆魯易喬治氏謂「吾人應盡全資源

全精力以繼續攻勢此一般主義吾人之間已歸一致可確認也」於是英國側之杞憂一掃而盡矣

嗣英總揆魯易喬治氏更轉問題對法軍總司令官「尼威爾」(ニケール)將軍曰「我等政府員關於有作戰上責任諸君權內所屬問題認爲無知其細部之必要吾人關於實行上計畫希望諸將軍自盡責任若有人向諸部長關於此等進言恐諸部長僅知之即默爾而息者殆少也蓋吾人殊無知精確攻擊目標軍隊實數火砲實數之必要此等詳細嚴保秘密甚爲切要也敵國方面未嘗有此質問參謀總長「羅巴脫松」(ロバートソン)將軍雖提出此等問題政府不爲所動吾人對於作戰當懷成敬之意凡一切不謹慎之處應切戒之」於是法總揆李博(リボ)氏答云「予亦與閣下有同一感想除一般方針以外非委之諸將軍不可」法陸長「潘魯偉」(パンウエー)氏亦附言政府所欲知者不外一般方針及計畫大體云

於是英總揆魯易喬治氏以英政府之名贊成本日議定且於意義上無何等疑問之存在特爲注意之故後稱述所謂制限攻勢者或以二三師行之者固然或如「黑固

「(ヘーグ)元帥於「亞拉斯」(グラス)方面所行大軍之攻勢亦然英國戰事會議希望法國同僚諸君兩國各以其所有兵力於本年極力繼續攻勢云

又魯易喬治氏關於法國精神界之動搖述所希望曰「吾人對今次會戰結果不可漫評其價值蓋吾人希望雖大不可不止於可能範圍之內今次獲得四萬五千俘虜四百五十火砲八百機關槍二百平方料地域尙不能認爲成果乎試使敵得此結果一般輿論惟漠然陷於失望而已吾人對此敵究與以休息時間否乎今日若停止攻勢或僅實施小規模之牽制動作恐德軍將傲語曰「我等已與敵以打擊更由潛水艦戰繼續使英困窮我等非始終遂行戰爭不可」聯軍之所以應盡全力者實爲此也吾人蒙至大損害已成事實苟事戰爭則以上損害不可不忍吾人所應努力者機拗之忍耐也諸將軍所決定之決心甚爲妥善吾人援助今夏所應行之行動非以強力不可予以英政府之名向法國同僚諸君述所希望實爲此也」

法總揆李博氏答曰「予以英總揆所云全表同意若立於純然防勢者極劣之策也最近攻勢失敗之說中心實否定之若使吾人解釋之不過希望太過之反動而已由

前年「松母」(ソンム)戰場成功今遂有興登堡非撤退戰線不可之勢吾人現立於主動地位此主動也在過去中不得不屬於德軍吾人欲在不浪費戰力之考慮下繼續攻勢此予所以對「魯易喬治」氏之言嘆賞不置者也吾人既決定限制攻勢關於軍事諸問題無論內容外表必須協同一致可斷言也」

英總揆魯易喬治氏對法總揆李博氏說明中似尙有不足之感更爲精確之聲明曰「黑固」(ヘーグ)元帥以至少與敵以一大打擊之目的目下正以全力準備攻勢方此時也爲法軍者苟非以同等勢力同時行動則英軍攻勢歸於無效吾人爲此攻勢應盡軍之全資力及全精力此予所希望者也」法陸長「潘魯偉」(パンルヴェー)氏答曰「予希望英國總揆對法國政府態度無有何等懷疑世人或見今次攻勢成果之限制且生甚多損害之結果有豫想目前法國或僅立於防勢而止者在政府各員及陸軍諸將軍實未嘗如斯攷慮吾人僅爲研究不浪費我戰力之戰法而努力乎此種之發見也吾人所欲求者爲獲最大成果適當科學之戰鬥法也此次會戰應盡所能及之勢力以繼續之法國政府決不違背此旨」法總揆李博氏更

附言曰「吾人必使我等正面之敵屈服目前吾人所言應有全部之信用」

於是英首相魯易喬治氏對法總揆全幅之語表示滿足更附加之曰「吾人對今日議定忠實履行是猶持守從前會議所協定不存少許之疑慮也」

英法會議如是告終關於今後攻勢表面上似成立圓滿協定然法國今以回復戰力爲其根本方針殊無用大兵力策應英軍之意爾後諸攻擊俱限制規模未能充滿英國之希望

所見 本會議中英總揆魯易喬治氏對法軍總司令官「尼威爾」(ニケール)氏之言自述對於統帥觀念爲吾人所大敬服者也抑國務總揆關於戰爭指導由政治上見地爲極重要之一員倘漫離職域入乎戰略範圍則非切戒不可矧爲純屬統帥範圍內之問題乎英國戰時內閣之總揆可謂得其人矣至若法國戰爭會議議員態度全爲議會之風評所左右始終懷抱疑團動輒抑壓有爲之將軍蔑視統帥不可侵之要義是爲英總揆魯易喬治氏之夙所洞察特於席上向法軍總司令官主張英軍統帥之獨立不羈藉以諷勸法國當道也

第二十 攻擊再興與停止

總司令官「尼威爾」(ニケエール)將軍之意即令將「浦利孟」之攻擊延之後日亦堅持希望盡力改善「壞斯」(ランス)之形勢令第四第五兩軍任之同時令第十第六兩軍奪取「耶勒脫」(エーレット)南岸高地帶四月三十日第四軍再興攻勢稍有發展未幾攻擊挫折迄五月四日不見若何進步

五月四日第五軍自晨開始攻擊奪取敵第一線陣地未幾其大部被擊退僅保持「薩比流爾」(サビニユール)高地及其他一部第十軍則果敢攻擊後奪取「庫拉翁奴」(クラオンス)及其東北方隘路第六軍攻略若干地點第四軍亦於是日獲一部之進出一般俱收相當成果

五月五日至七日間各軍雖略有進出攻擊力漸次萎靡加以德軍強烈之逆襲幸獲維持其位置且有非撤退不可之正面者七日以後兩軍全交綏各汲汲於地位之改善

第二十一 更換「尼威爾」(ニケエール)將軍及罷免諸將軍

五月九日法上議院有質問陸長主待「尼威爾」(ニケエール)將軍之意與否者

當被否認又總揆聲明吾人將脫離統帥之危機蓋今之統帥權頗爲薄弱良由統帥者之總司令並無人事上之全權此權能爲統帥者必要不可缺之件今總司令官對其部下就中對其參謀部亦未之有也以上聲明於五月十一日實現緣陸長召尼威爾將軍於戰爭會議勸令辭職將軍拒之辯明現處之地位若從如斯勸告則此次攻勢必歸失敗且等於失敗之自白終非予所能忍者也是日將軍罷免竟未決定復於五月十五日戰爭會議參酌情實決定以「別丹」(ベダン)將軍爲總司令官「福煦」(フオッシュユ)將軍爲參謀總長「尼威爾」(ニケール)將軍爲軍集團司令官至六月二十八日更罷「尼威爾」(ニケール)將軍軍集團司令官之職

「尼威爾」(ニケール)將軍去職「米休勒」(ミシュレ) (豫備軍集團司令官)「滿獎」(マンジャン) (第六軍司令官)及「馬則爾」(マゼール) (第五軍司令官)諸將軍亦先後罷免

第二十二 會戰成績

本會戰自所期之目的言之可謂完全失敗然法軍由此所獲成果大概如左

一 使德軍全立於受動地位

英法軍之攻擊已以其準備俾德軍立於專守地位遂致敵撤退其正面之一部非放棄其占領地約八分之一不可不惟此也由此攻擊使意軍正面負擔大為輕減俄軍正面危險至少亦暫能除去

二 使德軍戰力消耗

綜合各情報德軍至少須損失兵員三十萬俘虜五萬五千火炮八百機關槍無算至其兵力減少之狀態四月一日後方有新銳四十三師及在增加中九師（內二師在俄正面六師新設一師在編成中）合計五十二師四月十六日十六師投入第一線而餘三十六師二十三日所餘為十六師二十五日所餘為十二師至五月六日豫備隊掃數無存由是戰線上師之交代漸次增繁非經一二三星期後不能回復疲勞再立戰線之兵亦鞭撻之僅於六日至四日或更短時日之後復使用之

三 奪取重要諸陣地

一九一七年西戰場統帥之真相

「休滿、德、大母」(シユマン、デ、ダーム)之高地帶瞰制「壤斯」(ランス)「瑣亞松」(ソアツソン)間一帶地域在戰略上有極大之價值德軍不但有展望法軍諸運動獲良好砲兵觀側所之利又能依「耶勒脫」(エーレット)河谷掩護其行動其他如「香檳里」(シャンパーユ)地方之「莫隴隈也」(モロンゲイエー)高地群「比喀爾即」(ビカルヂ)地方之「威米」(ゲイミー)高地皆與德軍以重大利益今英法軍奪取此等諸要地不惟除去從來之不利於爾後行動亦可大獲利益

至法軍所受打擊亦決非淺鮮戰力消耗志氣頹廢爲其最大者也法軍死傷數一時輩語流言稱爲未曾有之殺戮戰但其正確數字如別表(公表於議會四月十六日至三十日之間)較之十五年春「夏琪柳」(シャンパーニユ)之攻勢總數殊無大差對於「夏琪柳」(シャンパーニユ)會戰約生十二萬八千之損傷者今次會戰僅有十萬八千之損失其百分率不過六、五五%而已

軍名	第 四 軍 安德亞魯 (アントアヌ) 將軍 (步兵十四師團之 中一都交戰)		第 五 軍 馬自爾 (マゼール) 將軍 (步兵二十一師)		第 十 軍 即友謝魯 (チユシエール) 將軍 (步兵十四師團)		第 六 軍
	校將	下士	校將	下士	校將	下士	
死	一七六	三、九〇六	三一二	六、一二七	二二	八五一	二二〇
傷	四五五	一三、三七八	七三一	二六、二七六	六七	三、六三〇	五五〇
不明	二六	三、七五六	一一八	一〇、七七九	一	二七七	六二
合 計	二一、六九七		四九、五二六	(內五、八三〇爲俄軍)		四、八四九	

一九一七年西戰場統帥之真相

總計	第 三 軍 溫別爾(ウンベル)將軍 (僅任牽制)		滿獎(マンロヤン)將軍 (步兵十九師團)	
	下士 卒	將 校	土人 兵	下士 卒
一〇七、八五四	二六三	七	一、〇五一	四、〇一四
	一、一六三	二七	三、六七二	一五、二四〇
	二四	一	二、六九二	二、七九七
				三〇、二九六
				一、四八六

結論

千九百十七年春英法軍攻勢其目的完全失敗頗為聯軍憾事但因其失敗顯著所與吾人之鑑戒亦非淺渺其中可認為重要者如左

一 聯合作戰之困難

聯合作戰之困難自古已然今次會戰法國負擔任務最為重大殊以本國當面之

問題尤須極力認真於聯合作戰之轉旋如十六年十一月開聯合會議於法軍總司令部十七年二月法軍總司令官「尼威爾」(ニケール)將軍赴英其他於攻勢實行前與意俄兩國協議等何莫非法國欲令協同作戰良好之努力乎更由英國側觀之如五月總揆魯易喬治氏題法亦爲此也然其結果俱未能見爲滿足之實行

1. 聯軍會議之協定在以終結戰局爲目的各戰場互相呼應而以全力取攻勢及至時期漸近俄意兩國因革命及本國當面之事情致不能出於協同動作

2. 又該協定特爲防止攻勢遲延定於二月上半期完結各種準備及入二月英則於四月一日以前尙不能開始攻勢

3. 至若英法兩軍統一指揮問題由法軍總司令官「尼威爾」(ニケール)將軍二月赴英僅乃實現又因英軍總司令官「黑固」(ヘグ)元帥反對立歸消滅在一法國戰場且爲一體會戰之英法兩軍以各別之指揮系統行動殊覺不便不利之甚也

例如英軍擔任擴張正面之日期不能滿足法軍希望又如法軍向興登堡線撤退英軍對攻勢之態度將有變化又如決定兩軍攻勢日期不免有協定之不便又如法軍取攻勢時英軍缺乏協同動作皆是也

4. 其他如五月英總揆魯易喬治氏渡法表面上似成立圓滿之協定實則不然關於今後方策兩國意見扞格頗大英之希望遂不能完全實現

聯合作戰之困難如此究應如何而後能指導良好乎夫與我同等之強國聯合及與弱於我之國聯合其旨趣自各不同第一之聯合爲古今最難之事倘能兩者視同利害一致最屬有利然極不易有除和衷協同以外無他道也故以疏通兩當局者間之意見及融和感情爲協調上不可缺乏要件交涉成功與否即卜於此如彼二月法軍總司令官「尼威爾」(ニケール)氏赴英時情況其適例也又如英總揆魯易喬治氏赴法時之折衝亦足窺其一端反之英法兩軍統一指揮問題英軍總司令官「黑固」(ヘーグ)元帥最初即予以強硬反對令人生莫大之反感試即德國觀之其臨奧匈也皇帝以下常往復柏林維野納間聞所有重要問題殆決

於凡席之上可謂確實之聯合矣至第二之聯合更宜進一步爲適當之指導務於無害彼國之感情範圍內無失時機着着進行凡關於指導上所需機關及兵力之派遣軍需資源之供給等均不惜爲有力之援助

二 法軍會戰方式之失敗

此次會戰一般計畫中英軍果克以獨力發揚法軍總司令官（尼威爾）將軍所期待之成績乎不能無疑果也英軍於德軍向興登堡線開始撤退之際事實上對運動戰之弱點即行暴露此實可爲憂慮者也設使英軍有相當實力則（尼威爾）將軍計畫大體頗爲明瞭可謂適合乎戰理者也

法軍所取戰法旣如前述仍未能徹底出於奇襲之戰法蓋法軍戰法特色乃從其國情之要求力避人命之損失有欲以砲彈代肉彈之思惟是也尼威爾將軍戰法亦未能超越乎此思惟之範圍如於敵後方兵力來到之先擬一氣呵成突破敵線一面行歷長時間之大準備砲擊與敵以豫告其矛盾殆不可謂爲少矣

對於設備長大堅固之陣地欲突破之則須阻止敵之兵力不令緩急相通並不令

有轉用此等兵力之餘暇殊在交通機關發達之戰地爲尤然僅由一方面取攻勢及慰長期間行準備砲擊均與此要義不合可知也然基此要義立案之戰法大致爲德軍十八年之攻勢是蓋德軍從戰略之奇襲著眼其攻勢準備期間極圖秘匿一旦攻勢開始惟以制壓守兵之目的行短時間猛烈砲擊後立即移於步兵攻擊使敵對此完全無對應之餘暇以密接之步砲兵協同急奪敵數線陣地至使英法軍一時瀕於至大之危機

要之對(尼威爾)(ニケール)將軍之戰法雖不能表示同意然由將軍過去經驗推出一新機軸之事實是爲吾人所大讚當者不僅將軍而已即德法兩軍一度交戰利用其經驗於次回戰法中常示有改善進步之痕迹夫戰略戰術一以出敵意表爲主要未嘗有一定形式之存在今日所謂是者明日亦謂爲是絕無之事也試就日俄戰役經過觀之其戰況非固定之陣地戰故活用戰略戰術之處更大由今日觀之雖大有爭議然如遼陽會戰中第一軍於困難地形夜襲數倍之敵收赫赫之勝利又如奉天會戰日軍對兵數無大差之敵放膽施行包圍卒獲大勝凡此

何莫非鑑於敵軍素質而故意翻新之戰法乎要之平時應假想敵國軍之素質戰法研究以須一旦會戰看透敵軍實際能力及慣用手段將對此之戰法益加改善常乘敵之弱點出乎意表以博成功若夫不問敵之如何徒拘泥於原則常反復爲雷同之戰者所謂趙括之兵斷所不許者也

三 法軍統帥權之蹂躪

千九百十七年法軍最重大事件厥爲蹂躪統帥權此實法國國情之缺點吾人不能以此爲他國之事僅爲冷淡之評論也試由近世大戰性質及世界大勢攷之戰爭之決也除統帥之力以外其有待乎政府及國民之力者極大故將來此等之力與統帥關係頗相接觸輒彼此錯綜致統帥生動搖之傾向夫統帥非獨立不羈不可固不待言而期其完全極關重要必須先養成國民對純然統帥事項之觀念及大國民之自重心蓋民權發達民論進步非伴以相應之理智品性則維持戰時國內秩序豫期輿論之堅實斷不可能夫不及重大影響於戰時統帥者屬於國民本身能力設在日本情態見若法軍極大死傷終於失敗之會戰其精神界動搖寧

有超出法國以上之程度者若夫將來國民之教養不足難堪戰時之痛苦漫然攻擊當局釀成內部動搖致戰爭之指導顯著困難難保不利影響不延及於統帥權是須切戒者也

四 法國思想界之惡化

法國對於會戰敗績之失望且乘此而起各種妨害戰爭運動之影響恐將有不能免之現象是爲法國思想界之惡化特其大小一關乎該國國情及國民之訓練如何二關乎政府之取締如何就中前者爲遂行戰爭上最重之要素卽令值情況不利之際毅然遂行戰爭與否全關乎此點之良否試觀日本其國民訓練殊更有向上之餘地而國民職責在消滅此種之禍因蓋必勝與損害之寡少吾人必須銘諸肺腑因以損害之大賞讚其勇敢之時代已成陳迹也於是統帥之研究指揮軍隊之磨練頗關切要彼德國在四面包圍之窮境所以毫無屈服之色能耐長期戰爭者全由德軍連戰連勝常奏赫赫之功又俄之崩解意之頹廢多由於戰績不振之結果是則不可不知也